


卷之三十四
 妊娠諸病 十六種
 卷之三十五
 小産 東胎
 卷之三十六
 臨産須知 催生
 産難 附子死腹中
 卷之三十七
 産後諸症 二十三種

卷之三十八
 乳病 陰病 附交接傷疼 断産
 卷之三十九
 勞瘵 癥瘕 齒唇 結核 流注

漢書門
 類號函架册
 一三〇六二
 二三
 八

内閣文庫
 番號 漢 13062
 册數 8 (6)
 函號 301 78



綴じ部(喉部分)の文字等が開きが不鮮明な場所あり

普門醫品卷之三十四

明諸城王化貞省乾艾原編

廣寧後學郎廷模貞若父重梓

男 文炯 文燾 全較

妊娠諸病門


驗胎	安胎	轉胎	禁忌	惡阻	胎動	胎漏
驚胎	胎不長	下胎	子煩	子癇	子懸	子腫
子淋	轉胎	心腹疼	腰背疼	脹滿	欬嗽	吐衄
尿血	鬼胎	傷寒	痢疾	瘡疾		

論 婦人妊娠感病既易調治又難不惟胎孕須保

抑亦母命所關脉證與常不同藥味更多避忌今

舉其大凡共二十六證治者審焉

一妊婦壯盛者不須服藥若胃弱血虛之人胎氣



普門醫品 卷之三十四 妊娠 一 廣寧堂

普門醫書
不固易致損墮宜預服藥以安其胎更審所墮之
月係何經將養卽用其經之藥先一月前服之初
成胎一月屬肝經二月屬膽經三月屬心經四月
屬三焦經五月屬脾經六月屬胃經七月屬肺經
八月屬大腸經九月屬腎經至某月墮卽知某經
虧損也

一三月以前形象始化未有定儀見物而變欲得
男者宜操弓矢佩帶雄黃萱草之類使氣類潛通
造化密移可以轉女爲男

一月遊胎殺最宜避忌經云刁犯者形必傷泥犯
者竅必塞打擊者色青黯繫縛者相拘攣甚則母
殞禍如反掌藥物飲食常忌者多不可不慎宜各
寫一紙揭於妊婦房壁時時在日

一惡阻謂惡心阻其飲食也脉息和順但肢體沉
重頭眩擇食惟嗜酸醎甚者寒熱嘔吐煩悶輕者
不須服藥重者須用調理

一妊娠胎動或觸冒風寒或跌仆擊觸或怒動肝
火或脾胃虛弱輕者轉動不安重者必致傷墜

一胎漏謂妊娠經水時下由衝任氣虛不能約制以致下血也去既多胎失所養必致損重急宜治之

一驚胎謂胎被驚觸也懷孕將滿胎神已具或登高墜下或遇物觸傷以致腹疼下血或致傷胎

一婦人懷胎數月不見長者因有宿疾或有失調氣血虛弱而胎不長也當治其疾疾益其氣血則胎自長矣

一娠婦有疾欲去胎或胎屢動不安服藥不効察其終不能存不如早去之以免害

一子煩謂妊娠苦煩悶也係心肺虛熱或痰積于胸若三月而煩者但熱而已若痰飲而煩者吐涎惡食甚則胎動不安

一子癩由娠婦體虛受風也寒相搏則口噤背強腰弓反張亦名爲痙瀕更自醒良久復作

一子懸謂妊娠胎上逼心腹脹疼胸滿噎氣飲食少思

一子腫謂妊娠腫滿也因脾虛水氣流溢或瀉痢

音門醫論
臟腑虛寒或水漬于胞不能分利皆能致此亦有
三月之後足膝腫出水飲食不甘謂之子氣分媿
乃消
一子淋謂娠婦小便澀少也由腎與膀胱虛熱清
濁相干所致甚者心煩悶亂宜審其虛實滋養化
源不可專用滲利之藥

一轉脬由胎滿逼胞也系了戾以致小便不通名
為轉胞也逼于胎不時尿出則為遺尿以常法用
藥多不効但升舉其胎胞系踈而小便自順矣

一妊娠心痛及腹疼或夙有冷疾或新觸風寒或
痰飲相搏疼甚則動胎必致傷墮

一妊娠腰背疼因勞役傷損腎經風冷乘之腰腹
相引而疼胞繫于腎腰疼甚則胎墮

一娠婦心腹脹滿此脾胃虛寒復因冷飲相搏所
致宜調補脾胃升舉清氣忌用尅伐

一妊娠欬嗽由肺虛腠理不密寒邪乘之則為喘
欬不止恐傷胎

一妊娠吐血衄血由七情所傷氣逆于上以致吐

衄不止則墮胎有因而致死者

一妊娠溺血因熱在血分血熱流滲于胞因而尿血以清熱爲主

一鬼胎因其人榮衛虛損精神疲弱妖魅之類乘之亦如懷娠之狀

一妊娠傷寒爲患匪輕多致傷胎又有時氣謂四時不正之氣所感其證無少長皆相類發于五月以後者爲熱病皆妊娠所忌患之多致傷胎若不急治以致墮胎漏血母命亦不可保

一熱病傷胎視其母面赤舌青知其子死面青舌赤母死子生唇青吐沫子母俱死若有雙胎一死一活急用平胃散加朴硝水銀下之庶不並傷生者

一妊娠下痢腹痛胎氣不安宜調補脾胃則胎自安仍叅看痢疾本科

一妊娠病瘧多傷于胎宜審內傷飲食或外感風寒及暑邪鬱怒所致仍叅瘧疾本科治之

凡妊娠有疾投以湯藥衰其大半而已使病去母

安胎亦無損

驗胎一方

婦人經脉不行已經三月未審是胎以此探之

川芎為末二錢濃煎艾湯空心調下腹內微動則

有胎也不動者為非胎

安胎 五方 與後胎動條及驚胎條參看

保胎散

白朮一兩水煎濃汁調黃芩末二錢服或用條芩

白朮等分炒為末米飲和丸梧子大每白湯下五

十九

安胎丸 妊娠常宜服之庶無墮胎之患

當歸酒洗川芎白芍藥酒炒條芩酒炒白朮炒等

分為末酒糊丸梧子大每服五十九米飲下凡瘦

人血虛有熱慣墮胎者宜多服或加炒阿膠五錢

千金保胎丸 凡婦人受胎宜節飲食絕慾戒怒庶

免半產之患服此可以保全

當歸酒洗阿膠炒條芩炒續斷酒洗香附童便浸

炒益母草各二兩川芎陳皮艾葉醋煮各一兩熟

地黃薑汁炒白朮土炒杜仲薑汁炒各四兩砂仁
炒五錢爲末煮棗肉爲丸如梧子大每服百丸空
心米湯下雲林方

芳蔚補中湯 治懷孕血氣虛弱不能榮養屢致損

墮

黃耆炙當歸酒洗白朮炒杜仲炒白芍藥酒炒各
一錢人參芳蔚阿膠炒各八分乾薑煨五味子其
草炙各五分水二鍾煎一鍾入木香末五分調服
婦人良方

妊娠慣墜或三月五月屢墜不已者

先期兩月前用杜仲八兩糯米煎湯浸透炒去絲
續斷二兩酒浸焙乾爲末山藥五兩另研打糊爲
丸梧子大每五十九空心米飲下 簡便方

轉胎三方

轉女爲男法

歌曰桃樹東南枝作柄親夫張目自修成斧安床
底刃朝下無令人見亦無令本婦知男卽生若置
伏雛雞窠下滿窠尽是鷄之雄也黃一塊綴其褱

真陽氣化產仙郎萱草將來簪左髻宜男靈驗不尋常腰繫方弦百日間轉女成男有萬千或將夫婦手足剪瓜甲潛鋪男卽轉雄鷄長尾扯二莖揀安床下產男嬰軒轅野雲傳此訣其中玄理妙無窮本草綱目

又方

婦人始覺有孕取方弦一枝縫袋帶於臂上則轉女爲男房產經云凡覺有娠取方弩絃縛婦人腰下滿百日解却紫宮玉女秘傳方

又方

婦人覺有妊以雄黃一兩絳囊盛之佩於腰下能使胎轉女爲男神妙千金方

禁忌三方

胎殺忌 凡遊殺所在方位不宜安床帳及掃舍十日遊胎殺甲巳日占門乙庚日占碓磨丙辛日占井灶丁壬日占厨廨戊癸日占米倉 十二支日遊胎殺子丑日占中堂寅卯辰酉日占灶巳午日占門未申日占籬下戌亥日占房 月遊胎殺

立春在房床驚蟄在戶單扇清明在門雙扇立夏
在灶芒種在母身小暑在灶立秋在碓白露在厨
寒露在門立冬在戶及厨大雪在炉及灶小寒在
房母身

食忌

鷄肉不可合糯米食鴨子不可共桑椹食羊肝鷄
鯉魚鱸犬肉兔肉雀肉團魚螃蟹皆不可食慎之

藥忌

除芫青斑蝥蜈蚣蛇虫蜈蚣等一切毒蟲烏頭側

子躑躅野葛藜蘆等一切毒草金石水銀礞砂錫
粉等一切毒物不可用卽尋常服餌之品能損胎
傷孕者俱宜忌之歌曰槐子牽牛連皂角藺如瞿
麥與茅根薏苡牡丹同巴豆天雄附子暨桃仁牛
膝三稜紅芽戟半夏通草天南星赤箭芫花消芒
朴乾薑胡蒜黃雌雄牛黃代赭胡粉麝蛻皮蟹爪
乾漆同說與婦人產前忌此歌熟憶在胸中

忌阻 七方

人參橘皮湯 治妊婦嘔吐痰水食少倦怠

人參橘紅白朮炒麥門冬去心白茯苓各一錢厚
朴薑製甘草各五分竹茹一團薑三片水二鍾煎
一鍾食遠服 婦人良方

又方

當歸酒洗白芍藥炒陳皮香附炒白朮炒半夏薑
湯泡過香油炒白茯苓去皮藿香神麴炒砂仁炒
各八分甘草炙四分生薑三片棗一枚水二鍾煎
一鍾溫服 玉机微義

白朮湯

治胃虛惡阻吐水甚至十餘日粥漿不入

用白朮炒一錢人參五分丁香甘草炒各二分薑
三片水一鍾煎六分服 婦人良方

又方

縮砂仁炒爲末每服二錢薑湯或米飲下心鏡
妊娠吐水作酸心腹痛不能飲食

人參去蘆乾薑炮等分爲末以生地黃汁和丸梧
子大每服五十丸米飲下 劑局方

妊娠惡阻氣不升降嘔吐酸水飲食不進

香附子炒一兩藿香葉甘草各二錢俱爲細末沸

湯入塩調服三錢 聖惠方

妊娠嘔逆不食甚者腹痛傷胎

半夏泡炒黃陳皮砂仁炒各一錢白茯苓二錢并

草炒五分用烏梅一個薑三片枣二枚水二鍾煎

一鍾温服 婦人良方

胎動十四方 與前安胎條後驚胎條參看

妊娠胎動不安

香豉一升葱一升水三升煮取一升入炒阿膠二

兩化服或用炒阿膠熟艾葉各二兩葱白一合水

四升煮一升分服 產室方

又方

秦艽并草炙鹿角膠炒等分爲末每服三錢用糯

米煎湯服或用阿膠炒成珠艾葉秦艽等分入糯

米煎服 聖惠方

又方

硃砂末一錢鷄子白三枚和勻頓熟服之胎死即

出未死即安 普濟方

胎動不安及數傷胎下血不止

鯉魚一個治爭阿膠炒一兩糯米二合水二升入
葱薑橘皮各少許煮臛食五七日効 聖惠方

妊娠胎動或子死腹中血下疼痛口噤欲死服此探
之不損則痛止胎安已損則立下神妙方也屢驗

當歸酒洗二兩芩薊一兩為麤末每服三錢水一
盞煎令泣七欲乾投酒一盞再煎至半盞溫服或
淮之約人行五里再服不遇三服 備急方

胎動欲產日月未足者

蒲黃二錢井華水調服 集驗方

胎氣不安氣不升降嘔吐酸水

香附炒藿香甘草炙等分為末每服二錢入塩少
許沸湯服之 聖惠方

黃耆湯 治氣虛胎動腹痛下水

急用糯米二合黃耆炒二兩川芎酒浸一兩水四
碗煎二碗半分三次服若胎已死宜用平胃散加
朴硝腐化之 婦人良方 平胃散方見本門熱病條
妊娠胎動水黃如膠或如豆汁

用小黃米即稗米黃耆蜜炙各一兩水五碗煎二

碗分三服 梅師方

安胎寄生湯 治妊娠下血胎不安或腰腹作疼

桑寄生白朮炒各五分白茯苓四分并草炙一錢
水一鍾煎半鍾溫服 婦人良方

又方

川芎二兩葱白五兩水三碗煮二碗半分三服 婦
人良方

胎動欲墜腰痛下血氣上搶心

急以菖蒲根搗汁一二鍾服之即效 千金方

胎動下血或胎已死

百草霜二錢椶灰一錢伏龍肝五錢為末每服二
錢白湯入酒及童便調下 筆峯雜具

釣藤湯 治胎動腹痛面青冷汗氣欲絕者

釣藤釣當歸酒洗茯苓神去木人參去蘆桑寄生各
一錢桔梗一錢水鍾半煎八分溫服 婦人良方

胎漏 十二方 與前胎動條參看

胎漏下血

益智仁半兩縮砂仁一兩為末每服三錢空心白

湯下日二服 胡氏方

又方

蓮房燒研麩糊丸梧子大每服百丸湯酒任下日
二服 朱氏集驗方

又方

黃蠟一兩老酒一碗溶化熱服即止 本草綱目

又方

伍倍子為末二錢酒服 朱氏集驗方

又方

條芩白朮砂仁阿膠各炒等分為細末每服二錢

艾湯調下 婦人良方

二黃丸

治胎漏下血或發熱頭疼眩暈煩燥

生地黄自製熟地黄各二兩白朮炒枳殼麩炒各

一兩為末將二黃杵為膏入白朮枳殼末為丸每

服六七十丸米飲下 婦人良方

妊娠胎漏下血不止血盡則胎傷

鷄子黃十四枚好酒二升煮如飴服之未瘥再作

以瘥為度不飲酒者入醋同水煮之 普濟方

又方

阿膠三兩炒為末酒一升半煎服即愈梅師方

又方

鹿角屑當歸各半兩水三盞煎盡干頓服普濟方

安胎散 治妊娠因冷熱不調七情失宜卒然下血

若傷於胎則痛而下血甚則胎墮

白芍藥黃耆阿膠甘草各炒地榆自製熟地黃艾

葉川芎當歸酒洗各五分薑三片棗二枚水一鍾

煎半鍾溫服 婦人良方

子芩丸 治肝經有熱致血妄行

細條黃芩炒為末每服一錢以秤錘燒赤淬酒熱

調服脾胃虛者勿用 婦人良方

防風丸 治脾經有風血得風而流散以致妄行

防風為末每服一錢白湯調服 婦人良方

驚胎七方 與前安胎動條參看

懷胎偶有所觸或跌墮傷損致腹不安痛不可忍者

用縮砂連皮炒焦去皮搗碎每服二錢熱酒調下

須臾覺腹中極熱胎動即無事 孫尚藥方

又方

青竹茹三兩酒水各一碗煎一碗服子母秘錄

佛手散 治全上

當歸川芎各五錢水酒各半鍾煎五分溫服

膠艾湯 治妊娠顛仆胎動不安腰腹疼痛或胎上

搶心或下血腹痛

阿膠一兩炙焦艾葉三錢水二碗煎碗半分二服

婦人良方

又方

川芎末二錢酒下二服即安胎死即下婦人良方

妊娠從高墜下腹痛不止

生地黃益母草各二錢當歸酒洗黃耆蜜炙各一

錢薑三片水鍾半煎八分服 婦人良方

婦人妊娠為夫所動困絕

竹瀝飲一鍾立愈產室方

胎不長 二方

黃耆湯 治妊娠體倦少食面黃哺熱胎不長

黃耆蜜炙白朮炒陳皮麥門冬去心白茯苓前胡

人參去蘆各八分川芎五分甘草炙三分薑三片
棗二枚水鍾半煎七分服婦人良方

又方

用鯉魚長尺許治如食法飲其汁其胎卽漸大而
長本草綱目

①胎 七方

桂心散 治妊娠因病胎不能安者可下之

桂心瓜蒌仁牛膝瞿麥各五分當歸尾一錢水一

鍾煎七分服婦人良方

又方

榆白皮煮汁服二盞卽下子母秘錄

又方

用麥蘖一升搗碎水二升煮一升服之卽下現此
則知麥蘖損氣破血虛人不宜用也婦人良方

又方

牛膝一兩酒一鍾煎七分作二服婦科心鏡

又方

蟹瓜二合桂心瞿麥各一兩牛膝二兩爲末空心

温酒服一錢千金方

又方

蜥蜴肝蛇蛻等分研以醋和勻摩妊婦臍上及左右令温胎即下 全惠方

佛手散 治胎痛服之即安胎損服之立下

方見前驚胎條

子煩七方

知母散 治妊婦煩燥悶乱

知母麥門冬去心黃耆蜜炙子芩炒赤茯苓各一

錢甘草炙五分水二鍾煎一鍾去渣入竹瀝一合

再煎沸服

又方

以竹瀝頻以飲之本草綱目

竹茹湯 治妊婦煩燥或胎不安

淡竹茹一兩水二鍾薑二片煎一鍾服 婦人良方

又方

知母炒為末東肉丸彈子大每服一丸人參湯下
本草綱目

竹葉湯 治妊娠煩悶

黃芩炒防風麥門冬去心各一錢白茯苓二錢竹葉七片水鍾半薑一片煎八分服外臺秘覽

人參黃耆散 治妊婦煩燥身熱口乾

人參去蘆黃耆蜜炙葛根秦艽赤茯苓麥門冬去心各一錢知母甘草炙各五分薑三片竹葉十五個水二鍾煎一鍾服婦人良方

妊娠煩悶不得卧口乾目澁

黃連末每服一錢粥飲下為丸亦可婦人良方

子癩三方

鈎藤散 治子癩風痙角弓反張及頭運

鈎藤鈎陳皮炒半夏薑製麥門冬去心白茯苓茯

神人參去蘆并菊花防風各一錢甘草炙三錢石

膏煨二錢水二碗薑三片煎碗半食遠服 婦人良

方

羚羊角散 治子癩冒昧目吊口噤反張

當歸酒浸川芎防風獨活白茯苓五加皮薏苡仁

杏仁去皮尖酸棗仁炒各五分羚羊角鎊七分并

草灸四分生薑五片水二鍾煎一鍾入木香末二分調服醫統

又方

縮砂連皮炒黑研末熱酒調下二錢不飲酒者米飲下此方安胎止痛功效不可具述溫隱居方

子懸六方

紫蘇飲 治子懸上衝腹痛或臨產驚恐氣結連日不下或大小便不利

當歸甘草炒大腹皮製人參去蘆川芎橘皮白芍藥炒各五分紫蘇一錢薑三片葱白二枚水二鍾煎八分服婦人良方

又方 治胎上逼心腹熱痛下血或煩悶困篤

葱白二十莖濃煎水飲胎死即安已死即下未効再服若唇口青黑手足厥冷須佐以當歸湯

當歸湯 治妊娠子懸煩燥或生理不順唇青厥逆用當歸人參去蘆阿膠炒甘草炒各一錢水四碗煎至二碗去渣入連根葱白一握再煎至一碗分二服婦人良方

胎上冲心

葡萄煎湯飲之即下 圣惠方

又方

用弓弩弦繫腰立下 醫林集要

胎上搶心下血者

生麴餅研末水和絞汁服 肘後方

子腫八方

全生白朮散 治妊娠面目虛浮四肢腫如水氣

白朮土炒一兩生薑皮大腹皮製陳皮白茯苓各

半兩為末每服二錢米飲下日二服 婦人良方

又方

羌活蘿蔔子同炒香只用羌活為末每服二錢温

酒調下三服即愈 本事方

又方

梔子一合炒研每三錢米飲下丸服亦可 丹溪方

澤瀉散 治妊娠遍身浮腫上氣喘急大便不通小

便赤澁

澤瀉桑白皮炒木通枳殼麩炒檳榔赤茯苓各八

分薑三片水一碗煎半碗空心温服醫統

妊娠水腫小便不利惡寒

赤茯苓去皮葵子各半兩為末每服二錢食前新汲水下禹講師方

鯉魚湯 治子腫腹大有水氣

白米土炒五兩白茯苓四兩當歸酒洗白芍藥炒各三兩先以小鯉魚一個如食法煮取汁每汁二盞入藥五錢薑七片橘皮少許煎七分空心服千金方

金方

妊娠從脚腫至腹小便不利口渴引飲

猪苓為末熟水調服二錢子母秘錄

天仙藤散 治婦人有水氣而成胎以致足膝浮腫行步艱辛喘悶少食脚指間有黃水出

天仙藤畧洗炒香附子炒陳皮甘草炙烏藥軟白辣者各等分每服五錢生薑木瓜紫蘇葉各三片水一鍾煎半鍾日三服陳景初方

子淋入方

妊娠小便澀痛

冬葵子滑石木通等分每五錢葱白七寸水一鍾煎六分空心服 婦人良方

又方

蕪菁子末空心熱水服二錢日二服 子母秘錄
安榮散 治全上

麥門冬去心通草滑石飛當歸酒洗燈心生并草人參去蘆細辛各五分水一鍾煎六分空心溫服 婦人良方

火府丹 治心經積熱小便澀及五淋尿治湯

生地黄二兩杵膏木通黃芩炒各一兩爲末入煉蜜丸梧子大每三十九木通煎湯下 婦人良方

妊娠小便澀痛心煩悶亂

麥門冬去心赤茯苓木通淡竹葉各一錢水一碗煎七分空心服

妊娠患淋熱疼酸楚手足煩痛

地膚子二兩水一碗煎半碗空心服三服卽愈 子母秘錄

又方

猪苓為末熱水調服二錢日三服通為度小品方

又方

滑石粉水調塗臍下二寸外臺秘要

轉胎十方附遺尿

妊娠小便閉臍腹作脹此胃氣虛胎壓尿管所致

當歸酒洗川芎白芍藥酒炒熟地黃半夏白茯苓

陳皮甘草炙人參去蘆白朮土炒各一錢水二鍾

煎一鍾食遠溫服匕後探吐數次即愈婦人良方

又方

葵子研榆白皮切各一兩葱白七莖水四鍾煎二

鍾分三服婦人良方

又方

杏仁去皮尖炒黃搗丸燈心湯吞七粒古今錄驗

又方

車前草汁調滑石末塗臍周圍四寸熱易之心鏡

又方

杏仁去皮尖滑石飛等分共搗飯丸小豆大每服

二十九葱白湯下婦人良方

妊婦氣血虛弱胎壓膀胱小便不通

用床將妊婦托住倒豎起其胎自運溺自濺出丹
溪方

妊婦轉脬因過忍小便而致

消石飛葱湯服一錢 聖惠方

妊婦遺尿不禁

桑螵蛸十二箇炙為末分二服米飲下効 產乳書

又方

鷄屎燒灰酒服二錢 產室方

又方

白微製白芍藥炒等分為末用好酒食前調服二

錢日三服 千金方

心腹疼 十五方

妊娠心疼

五靈脂蒲黃各二錢研末醋二杯調熬數沸入水

一盞煎至七分連渣熱服未止再服 和劑局方

妊娠心痛煩悶

麻子仁一合研水二盞煎六分去滓服 聖惠方

妊娠心疼不可忍

鹽一撮燒赤淬酒服即安 產室

妊婦卒然心痛氣欲絕者

川芎當歸酒洗白茯苓厚朴薑製各一錢水一鍾

煎半鍾服 婦人良方

又方

鷄子一枚傾入酒內和服本草綱目

又方

金銀藤一味煎湯時匕飲之 婦人良方

又方

桔梗一兩薑半兩水煎服 婦人良方

又方

鹽半盞溫水調服仍以冷水喫面得吐即安 婦人良方

良方

又方

灶心土研末每服二錢白湯調下 婦人良方

又方

用熟艾二兩水二碗煮一碗服並治心腹痛或吐

血衄血婦人良方

當歸芍藥湯 治妊娠心腹急痛或去血過多眩運

用白芍藥酒炒當歸酒洗白茯苓白朮炒澤瀉各

一錢川芎二錢水二鍾煎一鍾溫服婦人良方

妊娠腹痛

車轄脂燒末二錢酒一盞調服之千金方

又方

枳殼三兩麩炒黃芩一兩酒炒每服五錢水盞半

煎一盞服若脹滿身重加炒白朮一兩治法紀要

腹疼胎欲落

白銀五兩茅根一斤水三碗煮至二碗入酒一鍾

再煎數沸徐匕服立安金銀首飾亦可婦人良方

鐵單散 治妊娠觸怒腹痛胎動不安

香附子炒為末濃煎紫蘇湯服二錢或加炒砂仁

尤妙中藏經

腰背疼六方

杜仲丸 治妊娠腰背痛

杜仲炒續斷酒浸等分為末煮棗肉為丸梧子大

每服七十九酒下米飲亦可婦人良方

膠艾湯 治全上

方見本門驚胎條

妊娠腰痛如折

用銀一兩水二鍾煎一鍾服之即止子母秘錄

又方

鹿角截五寸長燒赤淬酒中又燒又淬如此數次

細研空心酒服二錢產室方

通氣散 治妊娠腎虛腰痛神妙

破故紙炒為末空心每服二錢嚼連皮核桃仁半

個溫酒下婦人良方

脹滿二方

下氣湯 治心腹脇肋脹滿飲食少思四肢無力

羌活赤芍藥炒甘草炒檳榔青皮醋炒大腹皮製

陳皮赤茯苓半夏薑製桑白皮炒各五分桂心二

分紫蘇梗一錢水鍾半煎八分服婦人良方

紫蘇飲 治全上

方見本門子懸條

欬嗽六方

金沸草散 治肺受風邪頭目昏疼咳嗽声重涕唾

稠粘

荆芥穗一錢前胡麻黃旋覆花各七分甘草炙赤芍藥炒半夏製各五分薑枣煎服 婦人良方

又方

貝母去心麩炒黃為末沙糖和丸芡子大每于食後含嚥一丸神効救急易方

單蓋散 治肺感寒邪欬嗽声重鼻塞頭眩項背拘急時發寒熱

紫蘇子炒陳皮赤茯苓桑白皮炒麻黃各一錢甘草炙五分薑三片葱白一枝水一鍾半煎七分食後服 婦人良方

旋覆花湯 治感冒喘嗽胸滿痰盛

旋覆花赤芍藥前胡半夏麴甘草炙荆芥穗白茯苓五味子杏仁去皮尖炒麻黃去節各等分每服四錢薑三片枣二枚水一鍾煎五分臨卧服有汗者莫服 婦人良方

人參平肺散 治夏月咳嗽喘嘔痰涎壅盛

人參去蘆青皮麩炒白茯苓天門冬去心陳皮地
骨皮桑白皮製各一錢甘草炙五分知母七分五
味子十粒薑三片水二鍾煎八分食後服東垣方

①吐② 四方

四生丸 治吐血衄血

生荷葉生艾葉生栢葉生地黃各等分研爛丸彈
子大每服一九水煎去渣服丹溪方

桑脾湯 治虛熱吐血衄血汗出

甘草炒白芍藥炒黃耆各半兩自製熟地黃一兩
五錢每服五錢水酒各半鍾煎半鍾服婦人良方

紫蘇飲 治氣逆吐衄

方見本門子懸條

加味小柴胡湯 治怒動肝火吐衄及溺血下血

柴胡錢半匕夏製八分人參去蘆七分甘草六分
山梔仁炒黃芩酒炒生地黃各一錢水鍾半薑三
片棗二枚煎七分服仲景方

①尿② 六方

妊娠尿血

豆醬一盞熬乾生地黄二兩焙為末每食前米飲
下一錢普濟方

又方

生地黄一斤酒四升煮二升分三服婦人良方

又方

取夫瓜甲燒灰酒服千金方

又方

生艾葉一斤酒五升煮二升分三服婦人良方

又方

葵子三合研細水二碗煮取汁八分食前溫服日

三本草綱目

又方

阿膠炒黃為末食前粥飲下二錢 聖惠方

鬼胎三方

斬鬼丹 治鬼胎如抱一甕

吳茱萸川烏炮秦芫柴胡僵蠶等分為末煉蜜丸
梧子大每用七丸蜜酒送下取出惡物愈 丹溪心法

雄黃丸 治鬼胎瘀血腹疼

雄黃飛鬼白去毛莽草硃砂飛巴豆去油獺肝炙黃各半兩蜥蜴一枚炙黃蜈蚣一條炙黃為細末蜜丸桐子大每服二丸空心溫酒下日二服或下如蛇蟲之類其病乃除 婦人良方

娠婦腹內鐘鳴或如鬼哭

鼠穴中土研為末入麝香少許酒調服二錢立愈或以黃連濃汁呷之 薛氏醫案

傷寒

十二方 與三卷傷寒門參看

阿膠散 妊娠患時氣先服此安胎仍與主藥間服

阿膠炙焦白朮炒桑寄生人參去蘆白茯苓等分為末每服二錢糯米飲調下日二服 婦人良方

又方

伏龍肝為末一錢鷄子清少許水調服之仍以水和塗臍方寸乾再上 傷寒類要

白朮散 治傷寒及熱病服此保胎

白朮炒黃芩酒炒各二錢水一鍾薑三片棗二枚煎半鍾服四肢厥逆者不用 婦人良方

熱病用此以安胎氣

井中泥塗心下乾則易 本草綱目

又方

用青羊屎研爛塗臍外臺秘要

又方

伏龍肝細研每用一錢水調塗臍下或加井底泥

青黛等分研塗臍中乾即易 醫統

麥門冬湯 治傷寒壯熱嘔逆頭疼胎氣不安

人參去蘆石膏煨各錢半竹茹前胡黃芩酒炒各

五分葛根麥門冬去心各一錢水二鍾薑三片棗

二枚煎八分溫服 婦人良方

柴胡石膏湯 治妊娠頭疼惡寒身熱拘急口乾

柴胡二錢甘草一錢石膏煨三錢水鍾半薑三片

煎入分服如氣虛加人參八分

葛根飲子 治時氣煩熱口乾頭疼

乾葛麻黃去根節各半兩石膏煨一兩豉一合粳

米半合梔子十四個葱白二莖水三碗煎二碗分

三服汗出為効 婦人良方

音門醫品
妊娠感冒風寒狀如中風不省人事

用熟艾三兩米醋炒極熱以絹包熨臍下良久卽
甦婦人良方

清熱飲子 治時氣六七日大小便不利

芒硝一兩研葵子微炒二兩水煎服以利爲効
孕婦傷寒大熱煩渴恐傷胎氣

嫩捲荷葉焙半兩蚌粉二錢半爲末每服三錢新
汲水入蜜調服並治熱病鄭氏方

妊娠熱病頭疼嘔吐煩悶

知母三兩蘆根二兩麥門冬去心兩半青竹茹葛
根各一兩每用四錢連根葱白三寸水一鍾煎六
分溫服一方加人參一兩婦人良方

梔子仁散 治熱病發黑斑小便赤彙喘急胎欲落
梔子升麻石膏生地黃各二兩黃芩大青各一兩
如無大青卽用青黛共爲末每服半兩葱白七寸
豉四十九粒水一鍾煎六分溫服

又方

車轄脂燒末二錢酒一盞調飲之一方用艾葉四

錢酒二鍾煮一鍾半分二服傷寒類要
妊娠熱病而赤舌青者其胎必死宜亟下之

朴硝研末童子小便和熱酒調服三錢立下

又方

紅花一碗酒三升煮汁飲之即下 婦人良方

佛手散 生胎即安死胎即下

方見本門驚胎條

又方

伏龍肝為末溫酒或白湯調下二錢 婦人良方

加味平胃散 治見論

蒼朮炒厚朴製陳皮各錢半甘草炙八分水一鍾
煎七分去渣入朴硝三錢煮化服未下再服 婦人
良方

痢疾 六方 與八卷痢疾門參看

妊娠下痢

禪帶三寸燒研水服 千金方

又方

梔子炒為末每服二錢白湯調甚効

妊娠下痢日夜百餘行者

橡實二兩楮葉炙一兩為末每服一錢食前烏梅湯調下 聖惠方

妊娠下痢肚腹絞疼

用烏鷄子一枚開孔去白留黃入黃丹一錢在內厚紙裹定泥固煨乾為末每服三錢米飲下一服愈者是男兩服愈者是女

妊娠下痢腹疼小便澀滯

糯米一合當歸炒黃耆蜜炙各一兩水煎分四服補中益氣湯 治久痢不止

方見五卷內傷門

瘡疾 三方 與七卷瘡疾門參看

七寶散 治妊娠瘡疾不拘一日一發或間日一發或一日兩發者

常山厚朴薑製青皮麩炒橘紅甘草炒檳榔草果等分每用五錢酒水各一盞煎一盞去渣露一宿發時面東溫服良久再服一劑即愈 婦人良方

又方

常山酒蒸石膏煨各一錢烏梅炒五分甘草炙四分
分水酒各半鍾浸一夜平旦溫服 姚僧垣集驗方
又方

夜明砂末三錢空心溫酒下 經驗秘方

普門醫品卷之三十四終

普門醫品卷之三十五

明諸城王化貞育乾父原編

廣靈後學郎廷模貞若父重梓

男 文炯全較
姪 文燾

小產門

論 薛立齋曰小產重於大產蓋大產如瓜熟自脫
小產如生摘斷其根蒂豈不重哉而人輕忽死於
是者多矣大抵治法宜補形氣生新血去瘀血為
主若未足月痛而欲產用芎歸補中湯倍加知母

止之產而血不止人參黃耆湯補之產而心腹疼
當歸川芎湯調之元氣弱而欲產八珍湯固之出
血過多而發熱聖愈湯治之若汗不止或昏嘔喘
效急用獨參湯以托元氣

丹溪曰墮胎乃氣虛血虛血熱所以黃芩熟艾阿
膠等為安胎之聖藥

徐春甫曰醫家安胎多用香附砂仁殊不知氣血
清和無火煎燥則胎自安而固氣虛則提不住火

盛則血妄行欲其不墮得乎○香附砂仁雖云快
氣開鬱多用則耗直氣况香燥之性尤能助火氣
血兩傷反速其墮矣

墮胎多在三月以三月屬相火所以易墮治法須
審某月屬某經育養而治之

王節齋曰婦人半產多在三个月五个月及七个
月除跌撲損傷不拘外若前次三个月而墮則下
次必如期復然蓋先於此時受傷故後至期必應
乘其虛也故遇有半產者產後須多服養氣血固
胎元之藥以補其虛損及至有胎須於兩個半月

後卽服固胎藥十數服以防三月之墮至四個半月後又服八九服防過五月至六個半月後服五七服以防七月及至九個月內服丹溪達生散十數服可保無虞其有連墮數次胎元損甚者服藥須多不拘前例如固胎飲安胎丸泰山磐石方俱可用多氣加香附砂仁有痰加薑製半夏大要在於清熱養血條實黃芩爲安胎聖藥清熱故也暑月宜倍用之養胎全在脾胃如鐘懸於梁梁軟則鐘下墜梁折則鐘墮矣故白朮爲安胎主藥補脾胃故也若因氣惱致胎不安者少加行氣藥如香附木香之類

凡妊娠腰痛卽是欲墮可急治之

①通治

千金保孕丸治婦人有孕慣墮服此可免小產之患

杜仲四兩用糯米炒斷絲川續斷酒洗二兩爲細末山藥煮糊爲丸如梧子大每服八十五丸空心米飲下忌酒戒惱怒

泰山磐石方 治婦人稟賦素弱氣血不足或肥而不食或瘦而多熱或食少勞多素有墮胎之患覺受孕後卽服此更戒腦怒少食酒醋辛熱之物永保無虞

人參黃芪蜜炙各一錢半白朮炒當歸酒洗續斷酒洗黃芩炒各一錢川芎白芍藥酒拌晒各八分糯米一撮甘草炙砂仁炒各五分水鍾半煎七分食遠服三五日卽用一服保過四月卽無慮也有熱者倍黃芩減砂仁胃弱少食者加砂仁減黃芩固胎飲 治妊婦氣血俱虛每至三個月慣墮者服此以固之

人參去蘆黃耆蜜炙白朮炒條芩炒各二錢當歸一錢川芎白芍藥炒各七分熟地黃陳皮各五分黃連升麻柴胡各四分糯米八十一粒薑三片棗二枚水二鍾煎一鍾空心溫服

又方

鯉魚二斤重者一尾粳米一升用鹽醬煮食大能固胎月食三次 婦人良方

胎動欲墮腰痛下血氣上捨心

急以菖蒲根搗汁一鍾服之即効千金方食大

安胎丸

立聖散水治胎動欲產下血不止

鷄肝二具好酒一斤煮熟共酒食之大効產室

芳歸補中湯治懷孕血氣不能榮養以致半產服

此可免

此方見三十四卷妊娠諸證門安胎條

八珍湯治元氣虛弱欲致小產服此固之

方見三十三卷經閉門

艾葉湯治胎動不已勢欲墮已有所見

艾葉阿膠炒成珠當歸酒洗川芎各一兩甘草炙

六錢每服五錢水鍾半煎至一鍾去粗入阿膠令

烱停溫服丹溪方

槐子丸治妊娠月數未足欲產脹痛

槐子炒蒲黃等分爲末煉蜜丸如梧子大溫酒下

三十丸大全良方

知母丸治日月未足欲產腰痛者

知母為末煉蜜丸鷄頭子大每服一丸温酒嚙下
或如梧子大每服二十九米飲送下 圣惠方

参朮湯 小產後氣血虛損用此補之

人參白朮炒各一錢茯苓歸身酒洗陳皮川芎各
八分甘草五分薑朮煎温服 丹溪方

龍骨散 因用藥傷胎半產下血不止

龍骨煨當歸身酒洗熟地黄各八分艾葉四分地
榆阿膠炒成珠芍藥炒乾薑各六分蒲黃五分牛

角 臙灸焦二分為末每服二錢食前米飲調下大
全良方

當歸川芎湯 治小產後瘀血心腹疼或發熱惡寒

用當歸酒洗川芎自製熟地黄白芍藥酒炒各一
錢玄胡索炒香附炒青皮麩炒澤蘭牡丹皮各八

分桃仁十粒研紅花五分水鍾半入童便酒各小
半鍾煎八分服 婦人良方

人參黃芪湯 治小產氣虛血下不止

人參去蘆黃耆蜜炙當歸酒洗白朮炒白芍藥酒
炒艾葉各一錢阿膠炒二錢水二鍾薑三片朮二

枚煎八分服 婦人良方

又方

榆白皮炒當歸酒洗焙各半兩生薑三片水二鍾
半煎一鍾温服 普濟方

又方

桑木中蠹蟲燒末酒服二錢日二服蟲屎亦可 普
濟方

又方

小薊根葉益母草各三兩用水三大碗煎至一盞
去渣再煎至一盞分二服一日盡服 普濟總錄

獨參湯 治全上

方見三十三卷崩漏門

聖愈湯 治小產去血過多五心煩熱睡卧不寧

自製熟地黄生地黄酒拌黃芪蜜炙人參去蘆川

芩當歸酒洗各一錢水二鍾煎八分服 婦人良方

妊娠胎損下血腹痛

阿膠一兩炒艾葉半兩水一大碗煎半碗服

墮胎下血煩滿寒熱

鹿角鎊炒爲末每服三錢水調下日三服

又方

鷄翎爲末每服二錢温酒下以效爲度

東胎門

論凡妊娠至九月宜用滑胎湯藥使胎瘦易產許
學士云妊娠惟在抑陽助陰然胎前藥極惡群隊
陰陽錯雜別生他病惟枳殼散以抑陽四物湯以
助陰然枳殼散其味多寒若單服恐致胎寒腹痛
更以內補丸佐之則陽不致強陰不致弱陰陽調
和胎無不利餘方俱平和無碍并錄於後任人採
之焉

通治十三方

枳殼散 能令胎瘦易產昔湖陽公主每產累日不
下南山道人進此方

商州枳殼麩炒二兩大并草灸一兩爲末每服二
錢空心沸湯調服日三服孕至七月後宜服之徐
氏醫按

四物湯 治見論

方見三十三卷調經門

內補丸 補血養胎妊娠衝任虛者最宜

自製熟地黃三兩杵膏當歸一兩酒洗炒為末和

丸梧子大每服三四十九溫酒或熱水下

榆白皮散 臨月服之滑胎易產

榆白皮炒甘草炙各二兩葵子一兩為末每服五

錢水煎服

又方

車前子為末或酒或米飲調服二錢日三服

又方

白朮炒枳殼麩炒等分為末米飲丸梧子大入月

每日溫水下三十九胎瘦易產神良保命集

又方

榆皮焙為末臨月每水服二錢日三服產極易本

草別說

又方

五月五日收赤菟陰乾和馬齒莧為細末等分與

妊娠人常服即易產

神寢丸 治全上

通明乳香半兩焙枳殼麩炒一兩各為末煉蜜丸
梧子大每服三十九空心温酒下 蘄州施少卿方

便產魚下氣寬膈

枳殼麩炒五兩甘草炙一兩半香附子製三兩為
末每服二錢白湯調服

達生散 八月後服此扶正氣散滯氣虛人尤宜

大腹皮當歸俱酒洗白朮炒芍藥炒人參陳皮紫
蘇各七分甘草炙五分水鍾半煎服春加川芎防

風夏加黃芩五味子秋加澤瀉冬加縮砂仁上氣
倍紫蘇性急多怒加柴胡黃芩少食加砂仁神麩
渴加麥門冬葛根飢加黃楊有痰加半夏黃芩腹
疼加木香連用十數服甚得力

束胎丸 妊娠八月胎氣展大恐難產用此束之

條黃芩酒炒春夏一兩秋冬五錢白朮炒三兩白
茯苓七錢半陳皮二兩為細末米糊為丸梧桐子
大每服五十丸白湯下

又方 第九个月服

黄芩炒一两怯弱及食少者减半滑石末飛七錢
半白朮一两炒枳殼炒七錢半小便多者减滑石
救生散 胎氣本怯不宜服枳殼散用此益氣順胎
易產

人參訶子煨去核白朮炒神麴陳皮各一錢麥芽
七分爲末每服三錢水一鍾煎七分空心服

順胎飲 妊婦九月以後服此保無驚恐

香附製四兩縮砂仁炒三兩并草灸一兩爲末每
服二錢米飲下朱氏集驗方

溫養胎氣 胎至九月邊宜常用

猪肚一枚如常着五味煮熟食甚有益千金龍

保產無憂散 治妊娠身居安逸口厭并肥憂樂不
常食物不節致胞胎肥厚根蒂堅牢預服此易生

當歸酒洗川芎白芍藥酒炒枳殼炒乳香各二
錢木香并草灸血餘卽髮灰以積猪血和之各一
錢半爲末每用三錢水煎日二服神效醫統

預備符藥及便產事宜俱見下卷

臨產須知門

明諸城王化貞肖乾父原編

廣靈後學郎廷模貞若父重梓

男 文炯 全較
女 文燾

論凡妊婦至臨月當安神定慮時常步履不可多
睡飽食過飲酒醴雜藥宜先貼產圖密鋪床帳預
請老練穩婆備辦湯藥器物欲產時不可多人喧
閤倉皇但用老婦二人扶行及凭物站立若見漿

水腰腹痛甚是胎離其經令產母仰卧令兜轉身
頭向產門用藥催生坐草若心煩服水調白蜜一
匙覺飢吃糜粥少許勿令飢渴恐乏其力不可強
服催藥早於坐草慎之慎之

凡臨月不得洗頭濯足多致產難不可不知

凡冬末春初產室用火衣服尤當溫厚方免胎寒
血結之患

穩婆須擇老練者當先施惠預說與知倘有生理
不順只說未產若雙胎只說胎衣未下恐驚則氣
散愈難生息

王子亨難產逆生論稱犯一切神殺雖未必盡然
然時日鬼神先聖立教必非虛誕寧信其有不可
自貽後悔但神殺之類恐非山野之人所能盡悉
今擇其簡要者錄之

凡安產藏衣並向月德月空方並從節氣更換若
交次月節便作次月用若值閏月只看節氣用之
如正月在丙壬可於壬位安產婦床帳丙位藏衣
之類預寫一畚貼產房北壁月德月空見大統曆

又有禍害方絕命方不得於其上產又不得向之
大小便遇懸尸日產不得攀繩宜懸馬轡攀之閉
肚方臨月至滿月並不得向之大小便及棄不淨
之水八疰方產帳不得向之開門切須謹之禍害
等方及懸尸日見通書

入月宜預備藥物如佛手散治血虛之危證花蕊
石散黑神散治血入胞內脹不得下或惡露上攻
心疼悶絕加味芩歸湯治交骨不開失笑散治惡
露腹疼不省人事清魂散治血暈等證催生如神

散治橫生逆產順生丹催生符催生易產八珍湯
十全大補湯治難產勞傷血氣加味平胃散腐化
死胎及催生油蜜冬葵子益母草皆為緊要之藥
必不可缺其斷臍帶先用線近臍紮緊帛裹咬斷
如天氣風寒或難產致兒危困者先紮臍帶以油
紙撚燒斷此又為迴生起死之要法也

楊子建十產論凡生產先知此十證庶免子母之
命折於無辜也○一日傷產言胎未足月有所傷
動以致忽然臍腹疼痛或服催藥過早或產母用

力太早逼兒錯路不能正生凡分娩須待兒身轉
 順頭對產門努力一送兒即正生○二日催生言
 產時兒頭至產門或漿水已下方服藥催之或日
 久產母困倦難生宜服藥以助其血氣令兒速生
 一三日凍產言天氣寒冷產母血氣遲滯不能速
 生故衣裳宜厚產室宜暖背心宜溫和庶兒易生
 仍以大油紙撚徐火燒斷臍帶勿用剪刀○四日
 熱產言盛暑之月產婦當溫涼得宜熱甚則產母
 頭疼面赤昏暈室中人衆熱氣蒸逼亦致前患名
 曰血暈若夏月風涼陰雨亦當謹避○五日橫產
 兒方轉身產母用力逼之故也凡產母當令安然
 仰卧穩婆先推兒身順直頭對產門以中指探其
 肩不令臍帶羈攀方用藥催之繼以產母努力兒
 即生○六日倒產言兒尚未轉身產母努力故也
 當令產母仰卧穩婆推入候兒自順若良久不生
 令穩婆手入產戶一邊撥兒轉頭近產門却服催
 藥并努力即下○七日偏產言兒身未順生路產
 母努力逼兒頭偏一邊產雖露頂非也乃額角耳

當令產母仰卧穩婆輕手正其頭向產門却令產
母努力卽下若兒頂向後偏挂穀道露額令穩婆
以綿衣炙暖裹手於穀道外傍輕手推正令產母
努力兒卽生○八日礙產言兒身已順門路已正
兒頭已露因兒轉身臍帶絆其肩以致不能生令
產母仰卧穩婆輕推兒向上以中指按兒肩脫臍
帶仍令兒身正順產母努力兒卽生○九日坐產
言兒之欲生當從高處牢繫手巾一條令產母以
手攀之轉上屈坐令兒生下不可坐地致抵兒生
路○十日盤腸產謂臨產子腸先出然後產子其
腸不收穩婆以醋水各半盞嘿喫產婦面背卽收
不可不知

附方

佛手散 以下治俱見論

方見三十四卷妊娠諸證門

花盡石散

失笑散

清魂散

黑神散

八珍湯

十全大補湯

以上六方俱見三十七卷產後諸證門

催生如神散

順生丹

以上二方見本卷催生門

加味芎歸湯

加味平骨散

以上二方見本卷產難門

體立子借地法能避一切神殺

入月一日朱書咒法一幅貼產婦房內壁上更不
 須避忌神殺咒曰東借十步西借十步南借十步
 北借十步上借十步下借十步壁方之中四十餘
 步安產借地或有穢污或有東海神王或有北海
 神王或有日遊將軍白虎夫人遠去十丈軒轅招
 搖舉高十丈天符地軸入地十丈令地空閑產婦
 某氏安居無所妨碍無所畏忌諸神擁護百邪速

去急也如律令勅

催生靈符

此 儼 儼 儼

右四符入月一日墨書鞋底上密安產婦褥下

麗 出 月 月 月 月 月 月 月 月 月 月 月 月 月 月

右四符以水飛硃砂書之貼於房內北壁上至坐

蓐時將符以針挑就盥內燒化溫水調服

弱弱弱 鬼 貼產婦 北壁上

鬼 貼產婦 枕上

如產婦覺不安穩用水飛硃砂書右符貼之

扇 扇 鬼 鬼

右三符遇產難以墨書紙上化溫水中吞之

麗 麗 坐 鬼

右四符遇胞衣不出以朱砂書紙上化溫水中吞

之俱不可用凉水

催生門

論人生榮枯貴賤係於生時得其時則終身富貴失其時則沒世貧賤然則命稟於有生之初豈可催乎催生之說蓋為難產而設也窘迫急難之中一壺千金催生符藥其可少乎

婦人以血為主惟氣順則血和胎安則產順富貴之家過於安逸以致氣滯而胎不轉動或為交合使精血聚於胞中皆致難產者腹或疼或止名為弄胎穩婆不悟入手試水以致胞破漿乾兒難轉身亦難生矣凡產值痛極兒逼產門方可坐草時當盛暑或血暈血溢當飲清水解之

若胎胞破早血水先乾或難產勞傷血氣者並用八珍湯或十全大補湯加益母草不時與服以協濟之或黃芪數斤芫歸四五斤許大釜水煎藥氣氣盈滿室使產婦口鼻俱受其氣

通治二十方

催生如神散 服之卽生又治橫生逆產其功甚大
用百草霜白芷各爲末等分每服三錢候胎順產
門以童便米醋和如膏加沸湯調下或童便共酒
煎連進二服此藥大能固血又免血乾甚妙凡見
橫逆不順者卽急服之便產方

催生丹 服之易產

臘月取兔腦髓一个塗紙上風乾通明乳香二兩
同研令勻於臘月初七夜安桌子上露星月中設
茶果齋戒焚香望北拜告曰大道弟子某修合救
世上難產婦人藥願降威靈佑助此藥速令生產
禱畢以紙包藥露一夜天未明時以猪肪持和丸
芡實大紙袋盛懸透風處每服一九溫醋湯吞下
良久未下更用冷酒下一丸卽生仙方也經驗方

順生丹 全上

臘月兔腦髓去膜研如膏乳香母丁香各一兩麝
香一錢俱研細用兔腦髓和丸鷄頭子大陰乾每
服一九溫水吞下卽生藥在兜手握中神驗婦人
良方

催生開骨膏 全上

用猪心血和乳香末九梧子大硃砂為衣面東酒吞一丸未下再服一丸或以二丸並嚼冷酒送下
婦人良方

催生靈符 全上

法見本卷臨產須知門

催生神驗方 全上

兩手各把石燕一枚即生 唐本草

又方

黃蜀葵花焙研為末熟湯調服二錢如無花用子半合研末酒淘去滓飲之如漏血乾澁難產併進三服良久覺腹中寬胎滑即下如神或臨產時以子四十九粒研爛溫水服之亦効 產室方

又方

蜀葵子三錢滑石三錢為末順流水調服 本草方

又方

通明乳香一塊如皂子大為末腰痛時用冷水入醋少許調服令人扶立兩手擎石燕二个念醫靈

藥聖三遍行數步坐草便生更無痛楚 本草綱目

又方

路傍破草鞋一隻洗淨燒灰酒服二錢路左生男
路右生女覆者兇死側者有驚屢驗不爽 胎產方

又方

用臘月兔腦一個攤紙上陰乾剪作符子一面上
書生字一個候腹痛極時燈上燒灰煎丁香湯調
服 婦人良方

又方

臘月兔頭煨爲末葱白煎湯調一二錢立生或臘月
兔血紙袋盛掛當風處陰乾爲末煎乳香湯調下
二錢或兔皮和毛燒爲末酒調下二錢卽產如胎
衣未下再服 本草綱目

又方

魚鱧尺許新瓦上煨研陳醋調服立下 婦人良方

又方

鑿柄木燒灰酒服或用鏡楔亦妙 藏器本草

又方

音門醫品
用弓弦弩弦縛腰及燒弩牙納酒中飲之皆取其
快速之義外臺秘要

又方

五月五日午時令一人在壁內捧乳鉢一童子
在壁外持乳香以筆管自壁縫中逐粒遞過用鉢研
細水丸茨子大每服一九無灰酒下簡要濟衆方
催生易產

蓮花一瓣書人字吞之即產別後方

又方

蓖麻仁二个巴豆仁一个麝香一分研貼臍中及
足心集簡方

催生勝金散 治人弱難產

搵鼓一兩以舊青布裹之燒紅爲末入麝香五分
秤鏗燒紅淬酒服二錢即下本草綱目

胞漿先乾胎不得下

急服大料四物湯滋其血氣并濃煎葱湯薰洗產
戶更用油燭塗產戶內却服前藥薛已方四物湯
方見三十三卷調經門

產難門

生產艱難 橫生逆產 盤腸產

子死腹中 胞衣不下

論產之有難也。由產婦平日起居失宜，或臨時用力太早，以致生理不順，或橫或逆，可驚可愕，治之失宜，每致子母俱殞，不可不慎。

橫者手先見也。見轉身未順，用力一逼，致手先出。宜令產母安然仰臥，以針刺見手心，以鹽擦之。見手縮入，仍令穩婆推見身順，以中指摩見肩，不令

臍帶攀礙，則易生也。

逆生足先見也。見未轉身，產母覺肚疼，即便用力。致一足先出，宜以針刺見足心，以鹽擦之。候見自順，若不縮入，令穩婆以手推入，撥轉之，亦有逆而生出者。雙足並下，為踏蓮花生。

盤腸產者，臨產子腸先出，或產畢不收，令人可畏。宜明諭產婦，不必驚惶，慎無傷動，按法治之，隨手而上矣。

有胎死腹中者，多因觸犯禁忌，或驚動太早，或抱腰太重，或頻探試水，胞衣先破，血水乾涸，所致若

已死不下者其證產母腹疼脹悶舌青黑或指甲俱青甚者口中作屎臭宜用加味平胃散下之因熱病胎死者詳見妊娠諸證門

胞衣不下者因氣力疲憊不能努出或血入衣中脹大而不能下以致腹痛喘急七服花蕊石散或牛膝散血散脹消其衣自下欲斷脐帶者須先以小物繫墜然後斷之

生(產)難(困)欲(絕)

十九方

冬葵子一合搗破水二升煮汁半升頓服少時便

產本草綱目

又方

芒硝末三錢童子小便溫服必効并治死胎不下有貓下一子號叫不已知為死胎不下以此灌之遂連下四貓信効方

又方

益母草搗汁七大合煎減半頓服即生無鮮者以乾者一握煎服并治胎死腹中即下常備獨行方

又方

蛇蛻泡水浴產門自易 寶鑒

又方

酸漿子研末水吞立產 別錄

又方

赤小豆生吞七枚佳有日久氣乏用赤小豆一升水九升煮取四升入灸過黃明膠一兩煎不時服五合不過三四服即產 集驗方

又方

產時細嚼馬棋榔數枚并華水下須臾立產再以四枚去殼兩手各握二枚惡水自下 注机方

又方

臨時持馬啣勒并煮汁服之立產 開室方

又方

法製雲母粉半兩温酒調服入口即產不嘔者即嘔萬不失一 積德堂方

平日生產艱難

以海馬一對帶於身臨時以兩手握之即易產 藏

器本草

胎漏乾澁難產

香油蜂蜜各一兩同煎數沸溫服胎滑即下胎產須知

難產數日不出

桃仁一个劈開一片書可字一片書出字吞之即生本草綱目

又方

車軸脂吞大豆許二九即下逆產者即以其脂塗男脚心即順千金方

加味芩歸湯 治難產三五日不下垂死及矮小女人交骨不開

乾龜殼一个炙酥婦人頭髮一窩燒灰川芎當歸各一兩每服七錢水煎服如人行五里許再一服生胎死胎即下 摘玄方

婦人難產或死胎不下皆因風熱燥澁結滯緊斂不能舒緩故也

飛過滑石末六錢甘草末一錢分作二服以香油

入蜜少許調服甚効 傷寒直格

又方

墨一寸研末溫水服立下胎死即出 普濟方

又方

以瞿麥煮濃汁服之千金方

產難及胞衣不下或血搶心脈刺欲死者

臘月兔皮連毛燒灰酒服二錢極效 蘇恭方

婦人難產及日月未至而產

臨時取夫衣帶五寸燒為末酒服之視帶更佳 藏

器本草

橫生逆生 十二方

一切生理不順或橫或逆

當歸二兩川芎一兩為末先以大黑豆炒焦入長

流水一盞童便一盞去豆煎一盞分二服未效再

服若胎已死者服之即下 婦人良方

又方

伏龍肝細研每一錢酒調服并擦母臍中仍以針

刺晃手足心入分許晃驚轉即回順而生急救方

又方

人參末乳香末各一錢丹砂末五分鷄子白一枚
入生薑自然汁三匙攪勻冷服即生 婦人良方

又方

取布針十四枚燒紅淬酒七遍飲之 瀕湖方

又方

兔絲子車前子等分為末酒服二錢 聖惠方

又方

葵花為末酒服二錢千金方

又方

蛇蛻一具蟬蛻十四个頭髮一窩并燒存性分二
服酒下 濟生秘覽

又方

以手中指取釜下墨交畫足下即順 千金方

又方

以鹽塗足底急爬搔之或以針刺之仍以布包
熱鹽磨產婦腹 千金方

秘方益母丸 專治橫生逆產及難產神効

五月五日採益母草陰乾石臼搗末煉蜜丸如梧
子大每五十九臨時童便溫湯送下 玉机微義
倒生口噤

冬葵子炒黃爲末酒服二錢 產室方
橫產及胞衣不下

用鉄蘗杵燒赤滓酒飲自順 大明本草

盤腸產 九方

產時子腸先出產後不收名盤腸產

以半夏末頻搐鼻中卽上也 婦人良方

又方

蓖麻子仁四十九粒研塗產母頭頂腸收上卽洗
去其腸若乾以磨刀溫水少許潤之再用磁石煎
湯服之卽收

又方

大紙撚用麻油潤點着吹滅以烟薰產婦鼻中腸
卽上

又方

腸出盛以潔淨漆器濃煎黃芪湯浸之腸卽上

產後腸脫不收者

檮枝取皮焙乾一握水五升連根葱五莖川椒一撮同煎至三升去粗傾盆內乘熱熏洗冷則再熱一服可作五次用洗後睡少時忌塩酢醬麪發風毒物及用心努力年深者亦治婦人良方

又方

皂莢樹皮川練樹皮各半斤石蓮子炒去心皂莢核各一合共為末以水煎湯乘熱以物圍定坐熏洗之挹乾便吃補中益氣湯一服仰睡婦人良方
補中益氣方見產後諸證門

又方

香油三斤煉熟盆盛令婦坐盆中飯時許先用皂角灸去皮研末吹入許入鼻作嚏立上斗門方

又方

以五倍子同白礬煎湯熏洗婦人良方

又方

老鴉蒜葉如蒜秧採取一把以水三碗煎碗半去渣熏洗神効危氏得効方

子死腹中十七方

加味平胃散 治死胎不下

蒼朮厚朴陳皮各錢半甘草一錢酒水各一盞煎至一盞去粗投朴硝五錢再煎三五沸溫服其胎即化水而出神驗如不下者再服加水銀一錢同煎更妙婦人良方

觀音救生散 治全上

桂末二錢待痛緊時童便溫熱調下亦治難產橫生加麝香少許酒下何氏方

朴硝三錢溫童便調下猶大牛畜用之皆驗

又方

鹿角屑三錢入葱豉煮湯服之立出產乳方

又方

錫粉水銀各一錢束肉丸大豆許溫水吞下立出

又方

川芎為末酒服二錢死胎即下不過二服千金方

又方

以利斧煨赤置酒中待温飲之便下

又方

麝香當門子一枚桂心末二錢温酒服本事方

又方

取本婦鞋底炙熱熨腹集立方

又方

犀兕白黄色者不拘多少去毛為細末再研如粉為度每服一錢無灰酒一盞同煎八分通口服如

秘活人無數婦人良方

又方

苦壺盧燒存性研末每服一錢空心熱酒下綱目

又方

葵子為末酒服二錢黃蜀葵更妙千金方

又方

清油和蜜等分入湯頻服普濟方

柞木飲子 治產難或胎爛腹中脹悶其効如神

柞木 生南方葉小而細齒可作梳本名鑿子木

取嫩枝一尺寸剉其草大者五寸剉五段用水三

鍾煎一鍾半溫服若用催生候胎噴產門服之立
下更無諸苦 本草綱目

子死腹中并雙胎一死一生服之令死者出生者安
用蟹瓜一升并草二尺東流水一斗以葦薪煮至
二升瀝去粗入真阿膠三兩令化頓服或分二服
若人困不能服者灌入即活 本草綱目

胎死腹中及胞衣不下上搶心者

用雀麥一把水五升煮二升溫服子母秘錄

胎死不出胞衣不出及產後諸疾狼狽者
刺羊血熱服一小盞極効 至惠方

胞衣不下 二十二方

花蓋石散 治產後敗血流入胞中脹滿不下至死
心頭暖者急用一服化水即出其効如神

方見三十七卷產後諸證門

牛膝散 治胎衣不出腹中脹痛急服此藥腐化而
下緩則不救

牛膝酒浸川芎朴硝蒲黃各二兩當歸酒洗一兩
桂心五錢每服五錢生地黃一錢煎服婦人良方

又方

蓖麻子仁七个研爛塗足心衣下速洗去遲則腸
出卽以此膏塗頂上腸自入亦可催生 崔元亮方

又方

百草霜白芷等分爲末每服二錢童便醋各少許
調勻熱湯化服不遇二服卽愈 杜壬方

奪命丹 治瘀血入胞脹滿難下急服此藥血卽消
衣自下

附子炮半兩牡丹皮乾漆炒令爛盡各一兩爲細

末好醋一升大黃末一兩同熬成膏和丸如桐子
大每十數丸溫酒下女科撮要

胎衣不下惡血冲心

五灵脂半生半炒研末每服二錢溫酒下產室方

又方

以本婦髮倒捺口中令作呃逆聲卽下 孫真人方
治一切胞衣不出

取本婦手足爪甲燒灰酒服卽令有力婦人抱起
將竹筒於胃前趕下 聖惠方

又方

取夫單衣蓋井上立出 婦人良方

又方

以本婦覆井上或以所着衣籠炷上 千金方

又方

鹿角屑為末二錢薑湯調下 百一方

又方

黑豆一合炒熟入醋一盞水一盞煎三五沸作之

三次服酒煎亦可 婦人良方

又方

灶心土五錢醋調納脐中續服并草湯三四合產

室方

又方

紅花酒煮汁飲二盞 熊氏補遺

又方

蒲黃二錢温酒調服 楊氏乳產方

又方

水煎芍藥絃汁五合或燒灰酒服 千金方

又方

又方

以水入醋少許喫面神効 聖惠方

胎衣不下經日脹滿至極

用返魂丹以炒塩湯化下方見血運門

胞衣不下困極

蝼蛄一枚水煮二十沸灌之下喉卽出 延年方

又方

蓮蓬殼酒煮服之或用荷鼻煎酒服亦驗 救急方

保生無憂散 治產後氣虛不能送出胞衣腹中不
覺脹悶卽知非瘀血也宜服此及益母丸

當歸川芎白芍藥枳殼乳香血餘灰各等分每服

三錢水煎日二服 女科撮要

三越水煎日二服止... 胃銀根等自... 凡此等症...

明諸城王化真膏乾艾原編

廣寧後學郎廷模貞若父重梓

男 文炯 全較

產後諸證門

血暈 惡露不行 惡露不止 中風 痙病 心腹疼
遍身疼 不語 發喘 呃逆 自汗 乳汁不通
悶結 水腫 煩悶 發狂 產門不開 損脣
發熱 尊勞 血崩尿血 下痢 雜治

產畢飲熱童便一盞閉目少坐上床倚高立膝
仰卧不時喚醒及以醋塗鼻或用醋炭及燒漆器
更以手從心髀至脐下使惡露不滯如此三日以

防血運血逆消雖行血亦不可多恐引血入四肢
且易昏運宜頻食白粥少許一月之後宜食羊肉
猪蹄少許仍慎言語七情寒暑梳頭洗足以百日
爲度否則患手足腰腿酸疼等證不可刮舌恐傷
心氣不可刷齒恐致血逆須血氣平復方可治事
犯時微若秋毫成病重于山嶽可不慎哉丹溪先
生云產後如無惡血惟當大補氣血雖有雜證以
末治之

產後血入肝經令人眼花昏悶或敗血冲心及去
血過多皆能作運宜預燒秤錘以醋沃之或醋醋
塗口或燒漆器熏之使產母鼻吸其氣庶無此患
若敗血冲心而作運者宜失咲散下血過多而作
運者宜芳歸湯

產後惡露不下因臟腑勞傷氣血虛損或風冷相
搏以致氣滯血凝而不行也宜失咲散及花蕊石
散最妙

產後惡露不絕因傷經絡或肝虛不能藏血或脾
虛不能統血或胃氣下陷致血隨之或肝火暴盛

致血妄行各因而治之不可執一
產後中風或血氣未復風寒所感以致筋攣拘急
口眼喎邪或肢體緩弱入臟則恍惚驚悸郭稽中
曰產後強力下床或入房或憂怒內傷臟腑皆能
致風○薛立齋云前證果外邪所傷屬形氣不足
病氣有餘當補元氣為主稍佐以治病之藥若強
力下床月內入房屬形氣病氣俱不足當純補元
氣多有復甦者若誤投風藥乃促其危也

產後發瘧因去血過多元氣虧極或風邪相搏其
形口噤背強腰背反張如風如癩或搖頭馬嘶不
時舉發氣息欲絕若汗出如雨兩手不及拭者不
治○有汗而不惡寒者名柔瘧若無汗而惡寒者
曰剛瘧皆為敗證急以十全大補湯主之如不應
加附子多有甦者若攻風邪死無疑矣○又有瘧
瘵一證瘵者筋脉拘急也瘵者筋脉縱弛也因產
後陰血去多陽火熾盛筋無所養而然雖未至如
瘵之甚然亦瘵之類也宜用八珍散加丹皮鈞藤
以生陰血食少者用四君加芎歸丹皮鈞藤以補

脾土蓋外證似風皆屬虛象無風可逐無痰可消
惟當固本為善若無力抽搐戴眼反折汗出如珠
者皆不治

產後心疼為陽氣虛寒或陰火上冲致傷心胞絡
疼痛腹疼亦係瘀血壅滯或外感風寒內傷生冷
當審其因而治之

產後遍身疼痛由氣血虛百節開張血流骨節以
致肢體沉重不利筋脉引急發熱頭痛若誤作傷
寒發汗則變為痙當大補氣血為主

產後不語因心氣虛而不能通于舌則舌強不能
言又脾病舌本強而不能言又腎之別脉上入于
心繫舌本虛則不能言宜用八珍湯如不應加附
子或用獨參湯

產後喉中氣急喘促因榮血暴竭衛氣無主獨聚
于肺名曰孤陽最為難治若因敗血停凝服二味
參蘇飲若因風寒所傷服旋復花湯

產後呃逆屬胃氣虛寒之惡候調理得宜亦有得
生者

產後汗不止者由陽氣頓虛腠理不密而津液妄
泄也虛乏短氣身體消瘦唇口乾燥久則經水斷
絕由津液竭故耳且汗多每變爲瘧遂爲危證不
可不早治也

婦人乳汁乃氣血所化若元氣虛弱則乳汁短少
若累產無乳此內亡津液宜滋化源若產後乳自
出乃胃氣虛宜服補藥止之若乳多滿痛用溫帛
熨之或炒大麥芽煎湯服之未產而乳自出謂之
乳泣生子多不育

產後大便閉澀因腸胃虛弱津液不足若小腹悶
疼宜服麻仁丸潤之若用寒藥則促其危○產後
腸胃虛弱津液燥竭大小便多不利宜養血滋陰
若小便不利而渴者用清肺飲或利而渴者用滋
腎丸

產後四肢浮腫乃敗血乘虛流注及風邪所乘若
皮膚腫而浮虛乃氣也若皮膚腫如熟李乃水也
氣腫者宜發汗水腫者宜利小便
產後餘血奔心煩悶蓋因產後不飲童便以故虛

火上灸所致亦有飲食米麪乾飯太早脾胃不能
消化熱鬱于內煩渴痞悶者宜服見晚丸慎不可
下

產後狂言譫語乃心血虛也心虛則神不守舍及
敗血上冲證似顛狂俱以補養元氣為主仍各
證治之○若言語譫妄如見鬼神由血氣虧損瘀
血停滯所致宜用調經散

產後閉脫及玉門不閉因產時努力太過及舉動
房勞所致或陰挺逼迫腫痛小便淋漓若發熱惡
寒者用補中益氣湯

產婦因穩婆不慎用手鹵莽以致損脬小便淋漓
須大補氣血自可復完若陽氣虛弱不能約制致
小便頻數或為遺尿者用桑螵蛸散

產後虛煩發熱乃陽隨陰散氣血俱虛若惡寒發
熱煩燥作渴急用十全大補湯若熱愈甚急加桂
附若作渴面赤宜用當歸補血湯若誤認為火證
投以涼劑禍在反掌

產後勞多因產理順疲極筋力憂勞心慮或生

產日淺安有動作將養失所致令虛羸喘乏寒熱如瘧頭痛自汗肢體倦怠痰嗽欬逆腹中絞刺名曰蓐勞沉重着床顏容憔悴

產後血崩因經候未復而勞傷或食酸醎之味致傷血海若小腹滿疼肝經已傷最為難治宜急服固經丸○小便尿血者因虛熱血滲干胞也亦有怒動肝火致血妄行者宜小柴胡湯加山梔

產後下痢作渴者乃內亡津液及胃氣虛不能生津液但止其渴痢自瘥

血通 二十三方

花薤石散

治婦人產後敗血忡心血運血風

花薤石二兩硫黃四兩並作小塊拌勻入陽城礬泥固濟晒乾用四方磚一塊上書八卦五行字以礬置于上用炭簇定甌下生火煨二時冷定取出為細末收貯凡血運血風等證及胎死腹中胎不下至死但心頭微溫者急以童子小便調服一錢取下惡物即愈終身不患血證若膈上有血化為黃水即時吐出或從小便出甚効

利濟方

失咲散 治產後惡血上攻眩運滿悶或牙關緊閉

用五灵脂蒲黃各一錢醋水煎服神効 婦人良方

芎歸湯 即佛手散 治產婦去血過多昏悶作運 小則隨脈一

方見三十卷妊娠諸證門

返魂丹 治產後血運眼黑口乾煩悶如見鬼神狂

言不省人事或氣喘欬胸膈不利惡心吐酸面目

浮腫自汗發熱或惡露不利結滯刺痛上搶心胸滿

悶寒熱衄血瀉血嘔血等證

益母艸方梗紫花者于五月五日六月六日七月七日各連根收采陰乾用葉及花子以石器碾細

末煉蜜丸如彈子大每用一丸童便酒化下日二

三服以愈為度或丸如梧子大每服七十九亦可

凡產後服此安魂定魄調血順氣百病不生 產室

清魂散 治產後氣血暴損虛火妄動血隨火上以

致心神昏亂口噤眼花悶絕

澤蘭葉人參去蘆川芎各一錢荆芥三錢各為末

和勻每服一二錢熱湯和酒調灌下 女科撮要

產後血運狂言煩渴不止

香附子薑汁炒爲末每二錢米飲下 朱氏方

又方

用生藕汁飲之或用生藕汁生地黃汁童便等分煎服更妙 龐安時方

奪命丹 治血運腹痛

沒藥血竭等分爲末每服二錢熱酒童便調下
產後血運不知人事

五靈脂二兩半生半炒爲末每服一錢白水調下

如口噤者幹開灌之入喉卽愈 圖經本草

又方

益母草汁一盞入童便溫服卽愈 子母秘錄

又方

紅花一兩爲末分作二服酒煎連進如口噤拘攣

灌之入童便尤妙 子母秘錄

又方

神麴炒黃爲末水服二錢 千金方

又方

半夏爲末水丸豆大入鼻中卽醒 婦人良方

又方

墨三錢燒赤嘗減為末酒調半七服之即愈

又方

韭菜切安瓶中沃以熱醋聞其氣即醒丹溪心法

又方

用旧漆器燒烟熏之即甦本草綱目

又方

鹿角一段燒存性出火毒為末酒調灌下即醒醫方摘要

又方

蘇木三兩水五升煎二升分二三次服本草綱目

又方

荆芥穗一兩三錢桑仁去皮尖炒五錢為末水服

三錢若喘加杏仁去皮尖甘草炒各三錢保命集

又方

芸臺子生地黄等分為末每服三錢薑七片酒水

各半盞煎七分溫服即甦溫隱居海上方

又方

沒藥末二錢酒調服 圖經本草

又方

人參一兩紫蘇半兩童便酒水各鍾半煎一鍾溫服 醫方摘玄

傷寒生產血運欲死

荷葉紅花薑黃等分炒研末童便調服二錢麗安常傷寒論

惡露不行 八方

紫金丸 治產後惡露不快腰腹疼如刺時寒熱惡露 疼不思飲食并療心疼

五灵脂水淘淨炒末一兩以好醋調稀慢火熬成膏入真蒲黃末和丸如龍眼大每服一丸水與童便各半盞煎至七分調服少頃再服惡露即下血塊經閉者酒磨服之 楊氏產乳

黑神散 治產後惡血未盡或胎衣不下氣攻心腹作疼及血迷血運等證

黑豆炒熟一抄熟地黃當歸酒洗肉桂去粗皮赤芍乾薑炮甘草炙蒲黃各一兩為細末每服二錢

酒和童便調服

芸薹散 治產後惡露不下血結冲心刺痛及一切

心腹諸疾

芸薹子炒當歸桂心赤芍藥等分為末每服二錢

酒調下起下惡物即愈 楊氏產列

失笑散 治全上

一方見本門前

花蓋石散 治全上

方見本門前

產後惡血不下

沒藥血竭末各一兩童便温酒各半盞煎沸服良

又再服惡血自下可無他疾 婦人良方

又方

益母草汁一小盞入酒一合温服 聖惠方

又方

菝仁二十枚去皮尖麴一塊水煎服之 經驗方

惡露不止 五方

補中益氣湯 治產婦脾胃虚弱氣下陷不能攝血

致血下流不止

黃耆蜜炙白朮土炒人參甘草炙各一錢陳皮六分當歸酒洗八分升麻柴胡各四分薑三片棗二枚水二鍾煎八分午前食遠服如有汗倍黃耆六君子湯 治脾氣虛弱不能飲食血無所統下流不絕

人參白朮土炒白茯苓各一錢甘草炙陳皮半夏各八分薑三片棗二枚水二鍾煎八分食遠服

返魂丹 治產後惡露不絕

方見本門前

又方

敗醬當歸酒洗各八分續斷白芍藥酒炒各七分川芎六分竹茹五分生地黃一錢二分水二鍾煎一鍾空心服外臺秘要

產後下血不止羸瘦欲絕

蒲黃二兩水二碗煎八分頓服立効 產室

中風 九方

豆淋酒 治產後中風困篤或背強口噤煩熱癩癧

或頭面皆腫身痒嘔逆或手足頑痺眩暈直視皆虛
熱生風之證及產後血氣上冲一切百病

黑大豆三升炒熟微烟出入瓶中以酒五升沃之
一日夜後取温服之覆衣卧微汗即愈口噤者加
獨活半斤微槌破全沃之產後常服妙冠方

交加散 治產後中風不省口吐涎沫手足痲痺

當歸荆芥穗等分為末每服三錢水一盞酒少許

童便少許煎七分灌之下咽即有生意皇惠方

返魂丹 治產後中風牙關緊急半身不遂失音不

語

方見本門前

產後中風口噤手足痲痺角弓反張不省人事四肢
強直或心眼倒築吐瀉欲死

荆芥穗微焙為末每服三錢黑豆炒焦有声投熱
酒中其酒調葯服之童便亦妙口噤則擗開灌之
或灌入鼻中其効如神華陀方

又方

黑豆一升半全鷄矢白半升炒熱入清酒一升半

浸取一升入竹瀝服取汗產字

又方

大蒜三十瓣水三升煮一升灌之即甦子母秘錄

產後中風煩渴

紅花子五分炒研水煎徐呷之

產後身背拘急妄言發熱四肢寧曲不時驚悸

川芎羌活羚羊角屑酸枣仁炒研白芍藥炒各四

錢桑白皮六分防風五分水三碗煎二碗分三服

婦人良方

產後中風虛人不可服他藥者

白鮮皮五兩水三升煮一升分二次溫服小品方

瘧病八方

十全大補湯 治產後發瘧口噤欲死

當歸酒洗白芍藥酒炒川芎熟地黃白朮土炒人

參去蘆白茯苓黃耆蜜炙各一錢甘草炙八分肉

桂六分薑三片棗二枚水二鍾煎一鍾服重者加

附子一錢薛立齋治一婦產後發瘧已死令人推

正其身一人以手扶正其面擗開其口用前藥加

附子炮去皮二錢煎熟乘熱灌之不嚙俟冷側面
出之仍扶正又以熱藥灌之又冷又灌凡五次方
得下咽即甦若見其死而不治則無望矣 醫案

小續命湯 治剛瘧口眼喎邪牙閉緊急角方反張

用麻黃去節桂心甘草炙白芍藥炒白朮炒人參
去蘆川芎附子炮防已酒拌黃芩炒各五錢防風
二錢每服五錢水鍾半煎八分入薑汁少許溫服
若自汗為柔瘧去麻黃有熱去附子減桂一半冬

春去黃芩婦人良方

愈風散 治產後腰背攣急角方及張手足瘈瘲

荆芥穗畧焙為末每服三錢豆淋酒下童便亦可
其効如神牙噤灌口或鼻 婦人良方

交加散 治產後瘈瘲振顫不省人事口吐涎沫

當歸荆芥穗等分每服三錢水一盞酒少許煎灌
下咽即甦如未應急服十全大補湯

又方

白鮮皮一兩獨活三兩酒二碗水二碗煎二碗溫
服 伊婦人良方

又方

白朮四兩酒煎頓服

蘇文仲方

八珍湯 治見論

方見三十三卷調經門

四君湯 治見論

方見三十三卷崩漏門

心腹疼 二十四方

失笑散 治產後惡血上攻心腹作痛欲絕

方見本門前

艾附丸 治全上

香附子二兩蘄艾葉半兩以醋湯全煮熟去艾炒

為末醋糊丸梧子大每服五十九酒下 集簡方

蠲痛散 治全上

荔枝核燒存性香附米炒等分研為細末鹽湯米

飲調下二錢

產後血滯心腹疼欲死者

槐上木耳半兩為末酒濃煎飲之立愈

又方

普門醫書
沒藥焙研紅花當歸酒洗延胡索炒等分爲末每
服二錢童便酒各半盞全煎至六分熱服用秤錘
燒紅淬過調服亦可 以上俱婦人良方

產後穢血不尽腹中滿疼心頭硬悶手足煩熱等證

用玄胡索炒研二錢酒服甚効

主患方

大岩蜜湯 治產後陽氣虛寒心腹作疼不食嘔吐
四肢厥逆

生地黄當歸酒洗獨活吳茱萸乾薑煨甘草炙桂

心小草各一兩細辛半兩每用五錢水鍾半煎八
分溫服 婦人良方

產後大虚心腹絞疼手足厥逆

羊肉一斤用水十碗煮取清汁六碗入甘草炙白

芍藥炒當歸各七錢半煎二碗分二服凡產後虛

羸自汗腹內不調用羊肉佳 本草綱目

產後心痛

荷葉剉碎炒香爲末每服二錢沸湯或童便調下

或煎服亦可救急方

又方

鬱金燒存性為末二錢米醋少許調灌之 袖珍方

又方

桂心為末用狗膽汁和九芡子大每一丸熱酒下
聖惠方

又方

沒藥為末二錢酒調服 醫林集要

又方

好官粉為末葱汁和九小豆大每服七九黃酒送

下即止蓋粉能殺虫葱能透氣也 邵真大方

產後腹痛

桂末酒服二錢取効 肘後方

又方

枳實麩炒白芍藥酒炒各二錢水一盞煎半盞溫
服 聖惠方

產後腹痛如錐刺者

敗醬草五兩水四升煮二升每服二合日三服 易
簡方

當歸建中湯 治產後腹疼拘急自汗少食

當歸桂心各三兩白芍藥六兩炒焦黃芩草炙二兩每服五錢水一碗薑三片棗二枚煎七分入飴糖一匙調服未効再服 婦人良方

延胡索散 治產後惡血凝滯臍下作疼或作寒熱用延胡索桂心各半兩當歸一兩為末每服二錢食前用熱酒調下

澤蘭湯 治產後惡露腹疼胸滿少氣

澤蘭生地黃當歸酒洗白芍藥炒生薑各一錢并

草炒分大棗四個水鍾半煎八分服 陶隱居方

產後血脹腹疼引脇

當歸酒洗二錢玄胡索二錢乾薑五分炮為末水一盞煎八分入塩醋少許熱服

四神散 治產後風冷凝滯於小腹宿血作疼名曰兕枕疼

菊花當歸酒洗旋復花去梗葉荆芥穗各一錢葱白三寸水鍾半煎八分服

產後腹痛有塊

熟地黃三兩乾生薑一兩全炒乾為末每服二錢

熱酒調下並治經後腹疼 以上俱婦人良方

又方

土牛膝洗切焙為末酒煎溫服極效 圖經本草

婦人小腸氣痛

馬鞭草一兩酒煎熱服仍煮湯浴身取汗即愈 纂

要奇方

遍身疼 八方

趁疼散 治產後骨節疼痛發熱頭重四肢不舉

牛膝酒炒并草炒薤白各一兩當歸酒洗桂心白朮炒黃耆炒獨活生薑各半兩每用五錢水鍾半

煎八分服

當歸沒藥丸 治產後肢體刺痛筋牽骨痺或手足

麻木

當歸酒洗五靈脂炒各一兩沒藥半兩為末醋糊

丸如桐子大每服三十九薑湯下 供婦人良方

透魂丸 治產後兩陽穴疼呵欠心忪氣短羸瘦不

思飲食手足頑麻百節疼痛每用一九米飲下

方見本門前

五積散 治產後感寒遍身疼痛

當歸酒拌白芍藥酒炒川芎乾薑炮人參去蘆白
茯苓陳皮桔梗厚朴薑炒白芷蒼朮炒半夏薑製
肉桂麻黃甘草炙各五分薑三片棗二枚水二鍾
煎一鍾服

補中益氣湯 治氣血虛遍身作疼

方見本門前

通靈丸 治血風手足痛不可忍

白附子僵蠶炒去絲各一兩全蝎半兩炒麝香一
字為末煉蜜丸桐子大每服十五丸溫酒下日三

服婦人方

婦人產後腰痛不可轉者乃敗血流入隧道也

敗醬當歸酒洗各三錢川芎白芍藥酒炒各二錢
四分桂心二錢水二碗煎一碗分二次服忌葱廣
濟方

如神湯 治產後腰痛逐敗血去風寒

即五積散加菴仁泥五分方見上

不語五方

七珠散 治產後不語

人參石菖蒲生地黃川芎各一兩細辛一錢辰砂
另研防風各半兩為末每一錢薄荷湯調服

又方

人參石蓮肉不去心石菖蒲等分每服五錢六鍾
半煎八分溫服

胡氏孤鳳散 治產後閉目不語

生白礬末每服一錢熱水調下 俱婦人良方

產後舌出不收

丹砂為末傅之暗擲盆盞墮地作聲驚之即收集
簡方

八珍湯 治見論

方見三十三卷調經門

發喘六方

二味參蘇飲 治產後發喘乃血入肺竅危證也

人參去蘆為末一兩用蘇木二兩水二碗煎一碗

調服神效 聖惠方

芎藭湯 治產後失血過多孤陽作喘

川芎當歸酒洗白芍藥酒炒等分每服五錢水鍾
半煎八分溫服

五味子湯 治產後喘促脉伏而厥

五味子炒杵人參去蘆杏仁去皮尖各二錢麥門
冬去心陳皮各一錢薑三片棗二枚水二鍾煎八
分溫服 俱婦人良方

產後欬逆喘急氣亂心煩

乾柿切碎水煮汁呷之 產室

又方

胡荽肉人參去蘆各一錢水一鍾煎七分頓服本
草綱目

旋復花湯 治產後感冒風寒欬嗽作喘

方見妊娠欬嗽門

⑤ ⑥ 逆 六方

產後呃逆

白豆蔻丁香各半兩伏龍肝一兩研細吳茱萸
仁煎湯調服一錢少頃再服 乾坤生意

又方

青橘皮爲末三錢葱白童子小便煎服 經驗後方

又方

羌活附子炮前香炒各五錢木香乾薑炮各一錢
爲末每服二錢水一盞搥一捻煎半盞溫服 婦人良方

又方

桂心五錢薑汁三合水一鍾煎半鍾溫服 婦人良方

產後欬逆嘔吐心忡目運

用石蓮子兩半白茯苓一兩丁香五錢爲末每用
米飲調服二錢 良方補遺

參附湯 治產後呃逆不食腹疼自利手足冷多汗
不止或發瘧

人參一錢附子炮五錢水一碗薑三片棗二枚煎
半碗徐七服

自汗八方

麻黃根湯 治產後虛汗不止身熱發渴

當歸酒洗黃耆酒炒麻黃根牡蠣煨爲粉人參并

草灸各六分水一鍾煎半鍾服

女人良方

產後自汗吐熱氣短

當歸酒洗三錢黃耆酒炒白芍藥酒炒各二錢水

二盞薑三片棗二枚煎八分溫服和劑局方

產後氣脫汗不止小便短少四肢難以屈伸

甘草灸一兩附子炮五錢桂心白芍藥酒炒各一

兩半每服三錢薑三片棗二枚水一鍾煎半鍾服

虛甚加多以効為度

產後諸虛自汗或發熱頭疼身重眩暈不食

用猪腰子一個去膜切小片以水三升糯米半合

葱白二莖全煮米熟取汁一盞以人參當歸各一

錢為末入汁調勻食前溫服永類方

又方

小麥麩牡蠣燒灰等分為末以煮猪肉汁調服二

錢日二服胡氏婦人方

又方

馬薺莧研汁三合服如無鮮者即以乾者煮之亦

可婦人良方

十全大補湯 治產後虛汗不止防其成瘧亟服此
不應即服參附湯

方見本門前

參附湯 治陽氣虛寒自汗或手足逆冷大便自利
或腹痛疼呃逆不食或汗多發瘧等證

人參一錢附子炮五錢作一服薑三片棗二個水
鍾半煎七分徐服或去人參加酒炒黃耆一兩
名耆附湯

乳汁不通 十八方

湧泉散 下乳如神

王不留行藿麥七門冬龍骨各二錢用猪蹄煮汁
一碗酒一盞煎服以木梳七乳日三次忌食辛辣

之物宜服常服猪蹄羹婦人良方

產後乳汁不下

京三稜三個水二碗煎汁一碗洗乳以下汁即出

極妙外臺秘要

又方

母猪蹄四枚水二斗煎一斗入土瓜根通草漏蘆

各三兩再者煮至六升去渣納葱豉作粥或羹食之
廣濟方

又方

穿山甲炮研末酒服二錢日二服外以油梳匕乳
即通 單驥方

又方

瓜蒌子淘洗控乾炒香紙上壓令白色酒服二錢
合面卧一夜乳出 姚僧垣集驗方

又方

以猪蹄湯調益元散三錢日三服妙益元散方見
四卷暑證門 子母秘錄

又方

知母貝母牡蠣粉等分為細末每用猪蹄湯調服
二錢 湯液本草

又方

土瓜根為末酒服一錢一日二服 楊氏產乳

又方

萬苣菜煎酒服或以萬苣子一合生并草三錢糯

米粳米各半合煮粥類食之 本草綱目

又方

白僵蠶為末二錢酒服少頃以芝麻煎湯一盞投
之用梳匕乳頭數十遍奶汁如湧 經驗方

又方

赤小豆煮汁多飲之乳如泉流 產書

又方

絲瓜連子燒存性研酒服二錢被覆取汗即通 簡便單方

又方

用鯉魚一頭燒末每服一錢酒調下 產室

玉露散 治乳脈不行身體熱頭目昏痛

人參白茯苓桔梗白芍藥酒炒各一錢甘草炙六

分水煎服 婦人良方

乳婦氣脈壅塞乳汁不行乳房脹痛或作癰毒

葵菜子縮砂仁各炒香等分為末熱酒服二匙甚

驗本草綱目

產婦無子食乳乳不消發熱惡寒致成吹乳

等月等品

卷卅七

乳汁不通

二十九

婦人良方

大麥蘖炒爲末每服五錢白湯下 卅溪纂要

又方

神麴炒研酒服二錢日二服甚効

又方

用男子褻足布勒住乳經宿卽止

俱本草綱目

閼結十五方

阿膠枳殼丸

治產後大便秘澀

阿膠枳殼二味等分爲末蜜丸桐子大滑石末爲

衣溫水下二十九未通再服凡產後閼結不可以

大黃利之如利者百無一生慎之慎之 婦人良方

又方

細茶爲末葱涎丸如綠豆大每服百丸茶下或只

以芝麻研汁煮粥作羹食之亦佳

郭稽中方

又方

大麥蘖炒黃爲末每服三錢沸湯調下與粥間服

婦人良方

又方

杏仁去皮炒黃麻仁枳殼麩炒訶子炒去核各研

末蜜丸桐子大每服三十九溫水下
麻仁丸 治產後大便閉結小腹脹悶

大麻仁研如泥枳殼麩炒人參各四錢爲末煉蜜
共搗爲丸桐子大每服二十九空心溫酒下一方
加煨大黃二錢 俱婦人良方

加味四物湯 治血虛火燥大便不通

當歸酒洗白芍藥酒炒川芎熟地黃各一錢柴胡
八分牡丹皮山梔各五分水鍾半煎一鍾空心服

產後虛弱

阿膠炒枳殼各一兩滑石飛二錢半爲末蜜丸梧
子大每服五十九溫水下未通再服和劑局方

產後風秘

皂角子二伯粒破作兩片慢火炒入酥一朶大炒
燥又入酥炒至黑爲度研末蜜丸桐子大每服三
十九用疾藜炒杵去刺三兩酸枣仁炒一兩每五
錢水一盞煎七分去渣送下前丸婦人良方

產後大小便不通

菴仁去皮尖葵子滑石飛槿榔等分爲末空心葱

白湯服二錢卽利 集驗方

通氣散 治全上

陳皮紫蘇枳殼麩炒木通各一錢水一鍾煎七分

空心溫服婦人良方

產婦大小便不通諸藥不應

日取牛乳飲之人乳亦妙

產後尿竭不通

陳皮去白爲末每空心溫酒服二錢一服卽愈婦

人良方

五淋散 治膀胱有熱小便不通淋瀝不出或如豆

汁或成砂石凝濁如膏

赤茯苓一錢五分赤芍藥山梔炒各一錢當歸甘

草各一錢二分灯心十莖水鍾半煎八分空心溫

服 婦人良方

滋腎丸 治小便不利而不渴者

清肺飲子 治小便不利而渴者

二方俱見前十一卷小便閉門

水腫四方

小調經散 治四肢浮腫

沒藥琥珀桂心白芍藥酒炒當歸酒洗等分為末
每服半錢薑汁溫酒調下

漢防已散 治全上

漢防已猪苓枳殼麩炒桑白皮各一兩商陸并艸
各三錢每服四錢水一鍾煎半鍾溫服 俱婦人良方

血虛氣腫水腫

澤蘭葉防已等分為末每服二錢溫酒調下醋湯

亦可備急方

金匱加減腎氣丸 治脾腎虛寒腰重脚腫小便不

利或肚腹脹四肢腫氣喘痰盛已成水證其効如神

用白茯苓三兩大附子製半兩川牛膝肉桂澤瀉

車前子山茱萸去核山藥牡丹皮各一兩為末熟

地酒蒸八兩搗碎杵膏入煉蜜和丸桐子大每服

七八十九空心米飲下 東垣方

⑥煩悶 六方

金黃散 治虛火上冲心胸煩悶作渴

延胡索蒲黃炒各一錢桂心二錢為末酒調服

失笑散 治全上

方見本門前

產後滿悶不能食

赤小豆十四粒燒研冷水服之 千金方

產後煩悶及晁枕血痕胸腹腫疼

蒲黃三錢米飲服或用東流水服之更妙 產室

產後因怒發熱迷悶者

荆芥穗以新瓦半生半炒為末童便調服二錢或

剉散童便煎服亦妙 戴元禮要訣

見規九 治產後食越飯乾食太早煩渴痞悶

薑黃炒三稜醋炒華澄茄陳皮良薑人參莪茂酒

炒等分為末用蘿蔔汁糊丸桐子大每服三十九

白湯下

⑤ 狂 入方

產後敗血入心邪氣乘虛而入顛狂如祟者

大硃砂二錢研細飛過晒乾用乳汁三四茶匙調

濕以地龍一條入藥滾三滾刮淨仍以水洗地龍

放之入無灰酒一盞分作三次服 何氏方

又方

四物湯加青黛二錢煎服四物湯方見三十三卷

調經門 摘玄方

產後敗血上衝發熱狂走

乾荷葉生地黄牡丹皮各二錢水一碗煎六分調

生蒲黃末二錢服之即止

寧志膏 治產後心神不安言語失常顛狂驚悸

辰砂琥珀另研酸枣仁炒人參白茯苓各五分乳

香一錢為末每服一錢東湯空心調服

定志丸 治心神虛怯語言鬼怪喜咲驚悸

人參茯苓各一兩五錢菖蒲遠志去心各一兩為

末煉蜜丸梧子大每服七八十九滾湯下

調經散 治血虛及瘀血言語謔妄如見鬼神

沒藥琥珀肉桂去粗皮各一錢白芍藥酒炒當歸

酒洗各八分細辛五分麝香少許各為末每服一

錢薑汁溫酒各半酒鍾調服 以上俱婦人良方

酸枣仁丸 治心虛胆熱不得睡卧顛狂驚悸

茯神去木酸枣仁炒遠志去心栝子仁焙防風各

一兩枳殼麩炒生地黃枰膏各半兩青竹茹二錢五分爲末煉蜜爲丸桐子大每服七十九白水下

又方

用猪心一枚五味豉汁煮食之

心鏡

①產門不閉十四方

補中益氣湯治產後陰脫或玉門不閉惡寒發熱

方見本門前外加五味子五分

硫黃散治產後氣虛寒子宮脫出玉門不閉

硫黃烏賊魚骨五味子等分爲末摻之日三次

又方

石灰一斗炒黃以水二斗投之澄清熏洗用後方

子宮不收名癭疾疼不可忍

慈石火煨酒淬三次研末米糊丸梧子大每服四

十九卧時滑石湯下別用慈石半兩鉄粉二錢半

當歸五錢爲末侵辰米湯調服本草綱目

產後陰脫

先以鹽湯洗淨五灵脂燒烟熏之危氏得効方

又方

單麻子仁十四粒研塗頂心入卽洗去婦人下方

又方

鼈頭五枚燒研并華水服二錢日三服錄驗方

又方

燒車轄脂納酒中服子母秘錄

又方

以溫水洗軟用雄鼠矢燒烟熏之卽上或以茄根
燒存性爲末油調攤紙上捲筒安入陰內亦妙乾

坤生意

陰脫作癢

枯礬空心酒服二錢日三服千金方

產婦陰痛

訶子和蠟燒烟熏之及煎湯熏洗日華方

又方

蛇床子水洗過絹袋盛蒸熱熨之或用蛇床子五

兩烏梅十四個煎湯日洗五六次千金方

產後閉門燥熱遂成翻花

澤蘭葉四兩煎湯熏洗二三次再用枯礬煎洗之

卽安集方

產門生合不開

用銅錢磨利割開以陳石灰敷之卽愈 通變方

損脬九方

產婦損脬小便淋漓不斷

炭灰淋汁煮黃絲絹三尺極爛清水洗淨入黃蠟半兩蜜一兩茅根馬勃末各二錢水一升煎一盞空心頓服慎勿作聲一作聲卽不効

又方

黃生絹一尺煎碎白牡丹根皮白芩各一錢水二盞煮到絹爛如腸服之不許作聲

鷄內金散 治產婦遺尿

用雄鷄脰脰并腸燒爲末温酒調服俱婦人良方

又方

猪胞猪肚各一枚糯米半升入胞內更以胞入肚內加五味煮食之 医林集要

產後遺尿及尿數

桑螵蛸炙半兩龍骨煨一兩爲末每服二錢米飲

下徐氏胎產方

產婦小便不禁

用鷄尾燒灰酒服二錢廣濟方

桑螵蛸散 治陽氣虛弱小便頻數或遺尿

桑螵蛸三十個炒鹿茸剉碎炒黃耆炙各三兩牡

蠣煨人參厚朴製赤石脂煨各二兩為末每服二

錢空心粥飲調下婦人良方

又方

益智仁為末每服二錢米飲下經驗方

婦人因生產陰陽易位前阴出糞名曰交腸病

取旧幘頭燒灰酒服仍間服五苓散分利之如無

幘頭片旧漆紗帽皆可代之極効五苓散方見七

卷霍亂門 陳總領方

發熱入方

十全大補湯 治產後發熱煩燥作渴或惡寒

方見本門前

當歸補血湯 治氣血俱虛煩熱發渴目赤面紅晝

夜不息其脉洪大而虛重按全無若服涼藥必死

音月

卷廿七

發熱門

三

娛揮堂

黃耆蜜炙一兩 大當歸酒洗二錢 水三鍾煎一鍾
服 東垣方

芎歸調血湯 治產後諸病 氣血虛損 或惡露不行
或怒氣相冲 以致發熱惡寒 自汗 口乾 頭暈 眼花 不
語 昏憤 等證

當歸酒洗二錢 川芎白茯苓白朮炒熟 地黃益母
草各一錢 陳皮烏藥香附童便浸炒 牡丹皮各八
分 乾薑炒黑五分 甘草炒六分 薑三片 棗二枚 水
三鍾煎 鍾半 溫服

全生活血湯 治產後發熱 自汗盜汗

柴胡當歸酒洗 白芍藥酒炒 各二錢 生地黃炒熟
地黃川芎藁本葛根并艸炒 各一錢 升麻八分 紅
花五分 每用五錢 水一鍾煎半鍾 熱服 俱婦人良方

六味丸 治腎虛發熱 作渴 小便淋秘 痰壅 失音 欬
嗽 吐血

自製熟地黃八兩 山茱萸肉 山藥各四兩 白茯苓
牡丹皮 澤瀉各三兩 爲末 煉蜜丸 梧子大 每服七
八十九 空心 鹽湯下

八味丸 治命門火衰不能生土以致脾胃虛寒飲食少思發熱煩燥

即上六味丸加大附子製五錢肉桂一兩
含化丹 治婦人肺熱久嗽身熱如炙肌瘦將成勞服此即愈

枇杷葉去毛桑白皮款冬花木通紫苑杏仁去皮尖等分大黃減半為細末煉蜜丸如櫻桃大食後夜卧含化一九 寇宗奭方

產後身熱如火皮粟粒者

菝仁研如泥全臘猪脂敷之日日易之 千金方
⑦ ⑧ ⑨ ⑩ ⑪ ⑫ ⑬ ⑭ ⑮ ⑯ ⑰ ⑱ ⑲ ⑳ ㉑ ㉒ ㉓ ㉔ ㉕ ㉖ ㉗ ㉘ ㉙ ㉚ ㉛ ㉜ ㉝ ㉞ ㉟ ㊱ ㊲ ㊳ ㊴ ㊵ ㊶ ㊷ ㊸ ㊹ ㊺ ㊻ ㊼ ㊽ ㊾ ㊿

猪腰子粥 治產後羸勞發熱虛汗体疼

猪腰子一枚去膜切片用盞酒拌先用水二升入葱淋煮滾下腰子灼半熟即撈出入粳米一合煮粥將腰子調粥内空心服 永類鈔方

黄耆建中湯 治產後諸虛不足發熱或惡寒腹痛
黄耆蜜炙肉桂各一兩白芍藥酒炒二兩甘草炙七錢每服五錢薑三片枣二枚水鍾半煎七分服

日二次 仲景方

白茯苓散 治產後羸勞頭目四肢疼痛寒熱如瘧

白茯苓一兩當歸酒洗川芎肉桂黃耆蜜炙白芍

藥酒炒人參各半兩自製熟地黄七錢先以水三

盞入切碎猪腎一雙薑三片棗三枚煎二盞去渣

入前藥半兩煎一盞服

增減柴胡湯 治產後虛弱寒熱如瘧食少腹脹

柴胡人參甘草炙半夏炒陳皮川芎白芍藥酒炒

各等分每服七錢薑三片棗二枚水二鍾煎八分

服日二

產後煩熱內虛短氣

竹茹一升人參白茯苓甘草炙黃耆蜜炙各二兩

水六碗煎二碗半分三服

產後虛乏不能飲食

六君子湯加當歸一錢 六君子方見本門前

產後虛羸

黃雌鷄一隻去毛背開破入生百合三枚白粳

米半升縫合入五味煮熟開腹取百合并飯和汁

作羹并肉食之 聖惠方

血崩尿血七方

固經丸 治產後血崩漏下

艾葉赤石脂煨補骨脂炒木賊各半兩附子炮三錢為末飯丸桐子大每服二十九溫酒或米飲下

又方

蓮蓬殼五個香附二兩各燒存性為末每服二錢米飲下日二服 婦人良方

又方

菖蒲一兩漚二盞煎至一盞去渣分二服食前溫服千金方

失咲散 治產婦血崩小腹脹滿

方見本門前

產婦小便出血

亂髮洗淨燒末米飲調服或以飛過滑石末一錢

生地黄汁調下 綱目

產後尿血

牛膝水煎頻服 熊氏補遺

小柴胡湯 治產後怒動肝火小便尿血
方見三十三卷調經門

①下痢十一方

七味白朮散 治產後下痢而渴

人參去蘆白朮土炒白茯苓甘草炙藿香乾葛各
一錢薑三片棗二枚水二鍾煎八分入木香末五
分調服

補中益氣湯 治產婦下痢發熱作渴肢體倦怠飲
食少思

方見本門前

產後下痢或四肢浮腫口舌乾燥

冬瓜一枚黃土泥固五寸煨熟絞汁飲 古今錄驗

又方

蒼耳葉搗汁溫服半盞日三四服 聖惠方

產後下痢赤白裏急後重腹痛

桃膠焙乾沉香蒲黃炒各等分爲末每服二錢食

前米飲下 婦人良方

又方

用大荆芥四五穗於盞內燒存性不得犯油火入麝香少許以沸湯些須調下此藥雖微能愈大病不可忽之

深師方

又方

蠟二棋子大阿膠炒二錢當歸酒炒二錢半黃連炒三錢黃蘗一錢先用陳倉米半升水三升煮汁至一升去米入藥煎至一鍾溫服神効

千金方

產後血痢小便不通臍腹疼者

生馬齒莧杵汁三合煎沸入蜜一合和服產字

產後下痢日五十行

用桑上蠹虫糞炒黃急以水沃之稀稠得所服之以瘥為度

必効方

又方

用紫莧菜一握切煮汁入粳米三合煮粥食之立

瘥

養老方

二神丸 治脾腎虛弱泄痢不止不思飲食

破故紙四兩炒肉豆蔻二兩生為末用大棗四十九枚生薑四兩切碎全煮熟去薑取棗肉和丸桐

子大每服五十九空心塩湯下

雜治五方

產後頭疼

烏藥川芎酒浸等分爲末每服二錢秤錘燒紅淬

酒調下 濟生方

產後因怒哭傷肝嘔青綠水

韭菜一斤取汁入薑汁少許和飲 摘立方

產後口渴

用煉過蜜熱水調服卽止 產書

產後諸淋

紫荊皮五錢半酒半水煎服 熊氏補遺

產後遺糞

取舊燕窩中草燒爲末或枯礬牡礪等分爲末俱

用酒調服

普門醫品卷之三十七終

普門醫品卷之三十八

明諸城王化貞曾乾父原編

廣寧後學郎廷模貞若父重梓

男 文炯 姪 文燾 全較

乳病門

乳癰乳巖

吹乳

妬乳

乳頭綻裂

論經云乳頭屬足厥陰肝經乳房屬足陽明胃經若乳房腫痛結核赤色數日之外焮痛腫潰稠膿湧出膿盡而愈各口乳癰易治若初起內結小核或如鼈棋子不赤不痛積之歲月漸大嶮巖內潰

深洞血水淋漓名曰乳癰難治
腫焮痛甚者清肝消毒發寒熱者解散表邪未成
膿者踈肝行氣不作膿或不潰托裏為主潰而不
斂及膿清者大補氣血

乳癰乳癰二十四方

神効瓜蒌散 治乳癰初起或已成未成未潰已潰
瓜蒌一個搗研生甘草當歸酒洗各半兩酒一碗
煎半碗投乳香沒藥末各一錢調服良久再服未
成卽消已成卽潰已潰卽斂神効 婦人良方

橘香散 治全上

陳皮湯浸去白曬乾麩炒微黃爲末每服一錢麝
香調酒下初發者一服見効 張氏方

又方

大黃甘草各一兩爲末好酒煮成膏以絹攤貼瘡
上仰臥卽愈 婦人經驗方

又方

馬鞭艸一握酒一碗生薑一塊搗汁服渣敷之
衛生易簡方

又方

以萱艸根搗酒服以滓封之或掘新生地黃搗敷之或以鹽梅杵貼之俱妙 本草綱目

又方

貝母為末水調塗上一宿自消 聖惠方

乳癰初起

灸甘艸二錢新水一鍾煎半鍾溫服仍令人冷水嗽口啞之日三服 直指方

又方

貝母為末酒服一錢仍令人吮之 仁齋直指方

又方

白芷貝母各二錢為末溫服之外科精義

又方

蒲公英一兩忍冬花藤二兩搗爛水二鍾煎一鍾食前服睡覺病除治一切腫毒俱効 積德堂方

又方

蔓荊子為末酒服二錢渣敷之 永類方

又方

脂麻炒黑搗爛以燈盞內油脚調敷卽散或以車
轄油熬熱塗之集玄方

又方

用備竹根萱艸根搗末蜜調敷之神効永類方

又方

大熟瓜萎一枚搗爛以白酒五碗煮取二碗去渣
溫服七盡愈子母秘錄方

又方

蔓菁根并葉去土不用水洗以盐和搗塗之熱卽
換不遇三五次瘡兵部手集方

又方

皂角刺燒存性一兩蚌粉一錢和研每用一錢溫
酒調下直指方

又方

穿山甲炮研末酒服二錢單驤方

又方

水楊根皮生搗貼之其熱如火再貼卽平永類
方

乳癰初發腫疼結硬

以北边真樺皮燒存性研末無灰酒服二錢卽卧
竟卽愈 灵苑方

乳癰腫疼

桂心茸艸各六錢烏頭三錢炮爲末醋和塗之紙
蓋住膿化爲水 肘後方

乳癰腐爛

靴內年久陳樺皮燒灰酒服一錢 唐珪經驗方

乳癰潰爛見肉

用猫腹下毛鉗銚內燒存性入輕粉少許研末油
調敷之 本草綱目

又方

敗龜板一枚燒研酒服四錢 小山方

婦人乳巖因久積憂鬱乳房內有核如指頭不痛不
痒五七年成癰名乳巖最难治

青皮四錢水盞半煎一盞徐匕服之日一服或用

酒煎 丹溪方

吹乳 十二方

枯菱散 治乳母因乳含乳口氣所吹令乳汁不通
壅結腫痛名曰吹乳不急治則成癰

枯菱一個酒鍾半煎八分入乳香末二錢調服仍
用南星末湯調塗婦人良方

又方

遠志甘草製焙研酒服二錢以渣傳之 袖珍方

又方

五月五日椶箬燒灰酒服二錢卽散 濟急仙方

又方

赤小豆研末溫酒服二錢仍敷之 熊氏方

又方

蜘蛛一枚麩裏燒存性爲末酒服卽止 本草綱目

又方

牛旁末二錢麝少許溫酒調服 袖珍方

又方

陳皮一兩甘草一錢水二鍾煎一鍾服 婦人良方

又方

用淘米杓內砂七粒溫酒送下更以燉帚枝通乳

孔卽愈莫解其理 李瀕湖方

又方

鹿角屑炒黃為末酒服二錢仍以梳匕之 經驗方

又方

葛蔓燒灰酒服二錢三服効或以水調敷亦妙并

治瘡癩 衛生易簡方

又方

穿山甲炙焦木通各一兩為末自然銅生研半兩

每服二錢酒調下 圖經本草方

又方

鼠矢七粒紅棗七枚去核包矢燒存性入麝香少

許溫酒調下 集要方

①妬乳 六方

婦人乳盛或無兒飲乳餘乳蓄結以致腫痛各妬乳
不吮通之必致盛癰

大麥蘖三兩炒煎水服其乳卽散腫卽消 經驗方

又方

瓜萎一個粉草二寸生薑一塊切半生半炒酒二

碗煎服少頃擠去敗乳再服即愈 婦人良方

又方

蜂房燒灰研每服二錢酒一小鍾調服 濟衆方

又方

香蒲根可織蓆者搗爛敷之并煎汁飲 產室方

又方

皂角刺蔓荆子各燒存性等分爲末每溫酒服二

錢袖珍方

又方

槲皮三升水一斗煎五升先熏後溫洗之

乳頭綻裂四方

黃連胡粉膏 治乳頭生瘡浸滌

黃連二兩胡粉二錢爲末水銀一兩全研傅之并

治丈夫陰蝕小兒疔瘡

紅粉散 治乳生瘡頭裂

胭脂蛤粉等分爲末敷之或以丁香爲末敷之亦

妙危氏得効方

又方

秋茄子裂開者陰乾燒存性研末水調塗補遺方
又方

雞矢白炒研酒服二錢三服愈亦治吹奶 產寶方

腫痛 陰癢 陰冷 陰挺

陰病門

陰瘡 陰吹 交接傷疼 附

論婦人阴中諸病皆七情鬱火傷損肝脾濕熱下

注其外證挺出如蛇如菌或如鷄冠狀或生虫濕

癢或潰爛出水或腫悶墜疼其内證体倦内熱經

候不調或飲食無味補熱發熱或胸脇不利小腹

痞脹皆以龍胆瀉肝湯為主因其兼證而治之○

有陰癢為虫在腸胃之間因臟虛而下蝕阴中微

則為癢甚則為痛也○有阴冷因勞傷子臟風冷

客之久則不孕○有阴挺下脫或因胞絡傷損或

因子臟虛冷或因產用力所致當升補元氣為主

○阴中生瘡肝經濕熱也名曰蠱或痛或癢如虫

行狀膿水淋漓○有阴吹阴中時常出氣也

腫痛 八方

龍胆瀉肝湯 治肝經濕熱阴中癢痛生瘡小便澀

滯及兩拘腫痛

龍胆艸酒拌炒黃澤瀉各一錢車前子炒木通生
地黃酒拌當歸酒拌山梔炒黃芩炒甘艸各五分
水二鍾煎一鍾溫服

白礬散 治明腫堅痛

白礬半兩甘草半錢大黃一兩為末水和如棗大
綿裹納明中日兩換以愈為度 婦人良方

菖蒲散 治全上

菖蒲當歸酒拌各一兩炒秦艸二兩每服五錢入
葱白二莖水一鍾煎六分服 婦人良方

婦人明腫痛不可忍

艾葉一兩防風六錢大戟半兩剉水五碗煮三碗
去渣熱洗日三次避風冷 婦人良方

又方

枳實半斤碎炒帛裹熨之冷即易或用鹽炒青皮
亦可 子母秘錄

又方

其菊苗搗爛煎湯先熏後洗 危氏得効方

又方

牛膝五兩酒三升煮取一升半分三次服 千金方

又方

菴仁燒研敷之 本草綱目 治疔瘡 疔瘡 疔瘡 疔瘡

陰癢 十方

栴菜湯 治婦人陰癢不可忍

花栴吳茱萸各一兩蛇床子藜蘆各五錢陳茶葉

一撮煨鹽二兩用水五七碗煎數沸乘熱熏洗

又方

桃仁研膏雄黃末等分綿裹塞之仍服龍胆瀉肝

湯即愈 婦人良方

又方

墻頭爛茅荆芥牙皂等分煎六頻七熏洗 摘玄方

又方

小蘗煮湯日洗三次或以蛇床子一兩白礬二錢

煎湯頻洗亦妙 集簡方

又方

灸猪肝納入當有虫出出羊肝亦効 肘後方

又方

蒲黃水銀研勻傳入內即愈 薛氏方

又方

平胃散四錢入貫衆末二錢以熟猪肝煎藥內

中薛氏平胃散方見五卷內傷門

又方

用杏仁去皮燒存性杵爛綿裹灸熱納入阴中加麝香少許更良 食療本草

又方

新桃葉搗爛綿裹納阴中日三易之 本草綱目

阴腫作癢

大蒜煎湯洗之効乃止 永類鈴方

陰冷 四方

八味丸 治風寒客於子臟以致陰冷

方見三十七卷產後門諸證

又方

硫黃枯礬為末煎湯頻洗之

又方

遠志一錢乾薑蓮花蕊各一錢半蛇床子二錢每
用一錢綿裹內閉中熱為効

又方

五加皮乾薑丹參蛇床子熟地黄杜仲各三兩鍾
乳粉四兩天門冬一兩地骨皮二兩酒十五斤漬
三宿每服一盞空心飲之

陰挺三方

補中益氣湯

方見產後諸證門加炒山梔白茯苓車前子醋炒
青皮各一錢煎服一婦人閉中突出如菌四圍腫
痛小便重墜朝服此藥夕服龍胆瀉肝湯外用藜
蘆末猪脂和塗之即收本草綱目龍膽瀉肝方見
本門前

又方

草麻仁研塗頂上自吸入即洗去本草綱目

陰脫作癢

白礬燒研食前酒服一錢日三次千金翼方

陰瘡八方

加味逍遙散 治肝經濕熱下流阴中生瘡

柴胡二錢當歸酒洗白芍藥白朮炒白茯苓山梔

子炒各一錢牡丹皮八分并艸六分水二鍾煎一

鍾服

又方

杏仁雄黃白礬各二分麝香一分半研細傳于陰

中一方单用硫黃研敷亦妙 本草綱目

又方

官粉二錢白果仁七個銅銚内炒至白果黃色去

果不用取粉出火毒研擦之効 集簡友

又方

枸杞根煎水類洗 永類方

阴蝕瘡

益母草切五升以水一斗煮七升分數次洗之即

効 千金方

又方

用鯽魚灸油塗之 本草綱目

又方

用鷄肝切片納入引虫出盡即愈 本草綱目
婦人妬精瘡

用青紙以唾粘貼數日愈且護疼也 本草綱目

陰吹一方

髮膏煎 治阴吹神驗

用猪膏半斤亂髮如鷄子大三枚和煎髮消藥成
分兩服病從小便中出 張仲景方

附交接傷疼

論婦人每交接輒出血作疼此肝火動脾不能攝
血宜用補中益氣湯及歸脾湯

通治八方

交接出血作疼

桂心伏龍肝等分爲末每服錢許酒調下 千金方

又方

割鷄冠血塗之以赤石脂末摻之五倍子末亦良

又方

用髮灰同青布灰傅之 薛立齋方

又方

百草霜不拘多少用葫蘆搗汁塗之 婦人良方

小戶嫁痛

甘草生薑各一錢白芍藥八分桂心四分酒一鍾煎三四沸服 千金方

又方

海螵蛸燒為末酒服二錢日三服或以小麦并艸煎湯洗之俱効

補中益氣湯

方見產後諸證門

歸脾湯 治見論

人參去蘆白朮土炒黃耆蜜炙白茯苓當歸酒洗龍眼肉遠志製酸枣仁炒各一錢甘草炙五分薑三片枣二枚水二鍾煎八分入木香末五分調服

斷產門

論天地之大德曰生斷產非仁人之用心也然婦人自有以產為苦者或每產艱難或生育太多而欲斷之亦非得已若服水銀蠶虫之類恐禍在反

掌故集教方以備不得已之用

附方

絕孕丸

白鶴仙卽玉簪花根白鳳仙各用子一錢半紫葳二錢半辰砂二錢各爲末蜜和九梧子大產後月內以酒半盞服之不可着牙恐損齒也 摘玄方

又方

蠶紙一尺燒爲末產後頓服終身不產 千金方

又方

水銀二錢以麻油煎一日空心服末太一九承斷其孕且不損人 婦人良方

又方

零陵香爲末酒服二錢服至一兩卽一年絕孕蓋血聞香卽散 医方集要

又方

白麩麴一升無灰酒五升作糊煮至二升半瀝去渣分三服候經至前一日臨卧次早五更及天明各一服經卽不行則終身不孕矣 丹溪方

夢與鬼交門

論人稟五行秀氣而生承五臟神氣而養若陰陽調和風邪鬼魅自不能傷一失調理氣血損衰則風邪乘其虛鬼邪干其正是以婦人有與鬼交通者其狀不欲見人如有對晤時獨言咲或時悲泣是也亦有夢中相交者

徐春甫曰元神既虛神不守舍故有夢交實非邪魅亦如男子之夢遺凡婦人患此證者甚多但不肯直言耳珍其脉沉絃無力乍躁乍數面帶莖紅四肢無力倦怠嗜卧飲食少進靜躁不常皆其候也法當健脾胃養氣血以固其本兼之安神消痰以治標則自愈耳

薛立齋曰前證多有七情虧損心血虛神無所護而然宜用安神定志等藥則正氣復而神自安若脉未乍大乍小乍短乍長亦有鬼祟宜灸鬼哭穴

通治八方

桃仁丸 治婦人與鬼魅交通

辰砂另研栴檀當歸棗仁去皮各三錢水銀一錢
束肉一個研令星尺麝香阿魏沉香各錢半爲末
煉蜜丸桐子大每服十九空心桃仁湯下
辟邪丹 治全上 能除一切邪魅

虎頭骨二兩辰砂雄黃雌黃鬼臼皂莢蕪荑仁鬼
箭羽藜蘆各一兩爲末煉蜜丸彈子大用絳紗囊
盛一九男左女右繫臂上及用一九當病人戶前
燒之一切邪鬼不敢近 婦人良方

妙香散 治婦人精神恍惚憂與鬼交語言錯亂先
服此以補氣血鎮心安神然後以前方治之

并草炒人參桔梗各五錢遠志山藥薑汁炙茯苓
茯神黃耆蜜炙各一兩辰砂三錢另研麝香二錢
另研木香煨二錢五分爲末每服二錢溫酒調服
婦人良方

八毒赤丸 治婦人與鬼交通

方見第二十卷邪祟尸疰門

歸神湯 治婦人夢交盜汗精神恍惚飲食減少
人參白朮炒白茯苓當歸身各一錢酸棗仁炒陳

皮各八分龍眼肉七枚甘草炙羚羊角末琥珀末
各五分二味不見火水鍾半薑三片煎七分去渣
入二末調服集驗方

灸鬼法

將患人兩拇指相並用線繫紫當合縫處羊肉半
甲間灼艾灸七壯若是邪祟病者即乞求免灸自
云我即去我即去極驗

普門醫品卷之三十八終

普門醫品卷之三十九

明諸城王化真曾受原編

廣寧後學郎廷模貞若受重梓

男 文炯全較
姪 文燾

血風門

頭痛 身體痛 癩癧瘙癢
煩悶 虛勞 怔忡驚悸

論婦人血風一病俗醫多不知蓋婦人以血為主
或生產去血過多血海虛耗內熱生風或行經之
時為風邪所襲總由肝脾虧損積漸所致變生諸
病有血風頭疼眩暈昏重或連齒作疼經歲不愈

有血風肢體骨節疼痛或歷節走注疼不可忍有
血風癩癧瘡癢身發疥瘡或如丹毒癢疼不常有
血風煩悶口乾發熱體倦不食有血風心神驚悸
怔忡少寐有血風勞四肢困乏懶于言動自汗心
煩喘滿不安婦人諸病由于血風者甚多宜各
證治之

許孝士云婦人患頭風者十居其半每發必掉眩
如在車船之上蓋因肝經血虛而風邪襲之耳

陳氏曰婦人血風疼痛由氣血不足腠理不密風
冷乘之以致邪正相搏故骨節疼痛肢體發熱口
苦咽乾歷節風者風邪隨血而行或滲溢皮膚或
卒然掣痛走注如虎嚙狀

婦人癢癢癧癩五心煩熱乃血風攻注或遍身疥
瘡痛癢寒熱或如丹毒遊走不定或搔破膿水淋
滴名血風瘡皆宜涼血潤燥如加味道遙散加味
小柴胡湯之類不可專用風藥後傷陰血反致筋
攣若愈後身起白屑搔則肌膚如帛所隔此氣血
虛不能榮于腠理用十全大補湯

血風煩悶者山氣血不和風邪乘之以致煩悶不
食体倦頭眩四肢疼痛宜急調補脾胃仍審諸經
錯雜之邪而治之

婦人血風勞證因氣血素虛或產後勞傷外邪所
乘或內有宿冷以致腹中疼痛四肢酸倦發熱自
汗月水不調面黃肌瘦當調補肝脾氣血為主

①頭疼

調中益氣湯 治氣血俱虛而頭疼

黃耆一錢蜜炙當歸酒洗白朮炒人參各七分芍
藥八分甘草六分五味子七粒升麻柴胡橘皮各
三分水二鍾薑三片棗二枚煎七分溫服

白附子散 治風邪風痰頭疼連齒不時舉發歷年
不愈

麻黃不去根節烏頭炮去皮南星炮各五錢白附
子炮一兩全蝎炒五錢辰砂麝香乾薑炮各一錢
爲末每用五分酒調服卧少時婦人良方

川芎茶調散 治諸風上攻頭目昏重偏正頭疼
方見十七卷頭疼門

又方 治風邪犯腦頭疼不可忍不問久近
消石人中白片腦等分為末每用一字吹鼻中婦
人良方

又方

用生菜煎汁仰卧注鼻中數年之患立愈

四神散 治血風眩運頭疼寒熱唾痰

菊花當歸酒洗旋覆花去梗葉荆芥穗各一錢水

鍾半葱白三寸煎七分温服

都梁丸 治血風頭疼及產前產後傷風頭目眩運

滿門作痛

白芷新鮮者為細末蜜丸彈子大每服一丸細嚼

荆芥煎湯下婦人良方

又方 治血風頭旋不知人事

用喝起草嫩心即蒼耳陰乾為末酒服二錢甚効

薛氏方

⑤身⑤疼

羚羊角散 治婦人血風身體疼痛手足無力

羚羊角銹酸枣仁炒生地黃檳榔各一兩五加皮

防風赤芍藥當歸酒洗骨碎補炒海桐皮川芎各
五錢并草三錢為細末每二錢溫酒調下 薛氏醫
案

虎骨散 治血風走痛及打撲作疼

虎骨酥炙敗龜板酥炙當歸酒洗桂心牛膝酒洗
漏蘆地龍去土威靈仙玄胡索炒自然銅醋淬共
為細末每服二錢熱酒調下 婦人良方

人參荆芥散 治婦人血風發熱身體疼痛頭昏目
澁煩渴盜汗或月水不調脘腹作疼疔癩積塊等諸

證

赤芍藥牡丹皮各一兩柴胡一兩五錢鼈甲醋浸
炙黃羚羊角筋酸枣仁炒枳殼去穢生乾地黃人
參土蘆荊芥穗白朮炒肉桂取心各二錢防風當
歸川芎并草各八錢共為粗末每服四錢水一盞
薑三片煎六分溫服不拘時 和劑方
當歸沒藥丸 治血風肢體刺疼筋攣骨痺或手足
麻木

當歸五靈脂炒各一兩沒藥五錢為細末醋糊為

九桐子大每服三十九薑湯下
通靈丸 治血風手足疼不可忍

白附子炮僵蠶炒去絲各一兩全蝎炒半兩麝香
二分為末醋糊丸桐子大每服三十九薑湯下婦
人良方

麝香丸 治血風歷節走疼或如虫行

大川烏三個去皮尖生用全蝎二十一一個去毒黑
豆二十一粒炒地龙去土五錢麝香一字為極細
末用米糊為丸如綠豆大每服十九溫酒下許學

士云予得此方凡歷節風及不測疼痛一二服便

瘥治一貴婦遍身走痛夜如虫嚙三服而愈薛氏

醫案

附子八物湯 治歷節血風疼如鏡鍛

附子炮乾薑炮芍藥炒茯苓人參甘草炙桂心各
五分白朮一錢五分水一鍾煎七分溫服一方去
桂加熟地黄二錢

四生丸 治骨節作疼或渾身麻

白僵蠶炒去絲地龍去土白附子五錢脂草烏去

皮尖各等分爲末米糊丸梧子大每服二十九茶
清下或以末酒調服亦可

癩癬瘡

蒼耳散 治女人血風癩瘡瘙癢不止

用蒼耳花葉子各等分爲細末豆淋酒調下二錢
極効 聖惠方

何首烏散 治婦人血風癩瘡皮膚瘙癢遊走無定

何首烏防風白蒺藜炒枳殼炒天麻僵蠶胡麻
炒羌蔚子蔓荊子各一錢茵陳五分水鍾半煎化
分溫服

白蜜酒 治血風癩瘡

白蜜不拘多少調好酒熱服日服三次卽愈丹溪
心法

附子酒 治婦人血風遍身瘙癢

生附子重一兩者不去皮皂角刺二十一個黑豆
一合右咀分爲二處用好酒二瓶入上藥慢火煎
候熬過半二瓶合作一瓶用泥密封經二宿每服
一盞溫服無時病愈則止丹溪方

蛇蛻散 治全上

露蜂房洗淨蜜炙蛇蛻洗炙焦為細末温酒調下

一錢日二服本草方

又方 治同上

牛蒡子一兩淨水煮熬乾炒令香浮萍蒸過焙乾

等分為細末每服三錢食遠葱湯調服取微汗初

虞世方

又方 治風客于皮膚搔之不已

蟬退洗淨大葉薄荷等分為末酒調方寸七服無

時婦人良方

煩悶

赤芍藥散 治血風煩悶不食体倦頭眩

赤芍藥酒炒白茯苓各一錢甘草炙柴胡各五分

水一鍾薑三片枣一枚煎七分温服

麥門冬散 治婦人血風煩悶疼痛飲食不下

麥門冬去心一兩前胡赤茯苓各一兩羚羊角七

錢五分赤芍藥桑白皮黃柏各七錢半生地黃茸

草各五錢每服一兩水二鍾薑三片煎一鍾温服

丹溪方

麥煎散 治婦人血風攻疰四肢心胸煩壅悶塞發熱不止

鼈甲醋炙大黃煨常山赤茯苓柴胡白芍藥當歸乾漆炒烟盡生地黄石膏各一兩并艸半兩右咬咀每服一兩水二鍾小麥五十粒煎至一鍾溫服丹溪方

六君子湯 治婦人胸滿少食

人參一錢半夏製白朮炒陳皮茯苓各一錢甘草八分木香五分水二鍾薑三片棗二枚煎一鍾服

越鞠丸 婦人胸膈痞悶不能飲食多由氣鬱宜兼鬱治

香附子童便浸炒蒼朮炒小川芎梔子仁炒神麴炒山查各等分為末神麴糊丸綠豆大每服六七十丸食遠白湯下

虛勞

人參荆芥散 治婦人血風勞證頭昏目澁心忪煩

善門醫品
倦寒熱盜汗頰赤口乾痰嗽胸滿月水不調腹痛癥塊

方見前

油煎散 治婦人血風發熱喘滿多汗口乾舌澀

五加皮牡丹皮赤芍藥當歸酒洗各一兩爲末每服二錢水一盞將銅錢一匁蘸油入前項藥內全煎至七分服煎不得撓喫不得吹和劑方

地骨皮散 治婦人血風體虛發渴寒熱

柴胡地骨皮各一兩桑白皮枳殼前胡黃耆各七錢半白茯苓五加皮人參甘草官桂白芍藥各五錢右咬咀每服一兩水二鍾薑三片煎一鍾溫服丹溪方

地黃煎 治血虛心忪發熱

生地黄熟地黄自製等分爲末用薑汁和水拌杵丸如梧子大每服五十九丸空心白湯下日三服若臟腑虛寒者酌服

乞力伽散 治血風肌熱或脾虛骨蒸寒熱

白朮炒白茯苓白芍藥炒各一錢甘草炒五分水

鍾半薑枣煎服 婦人良方

怔忡驚悸

茯神散 治婦人血風虛弱怔忡驚悸

茯神去木 人參 白朮 龍齒 煨另研 獨活 酸枣仁 炒
各三錢 防風 遠志 去心 桂心 細辛 各二錢 乾薑 一
錢 為末 每服五錢 水鍾半煎七分服

茯神湯 治血風胆氣虛冷 心神恐畏 不能獨卧 胸

中煩悶

茯神去木 酸枣仁 炒 黃耆 蜜炙 栢子仁 炒 白芍藥

炒 五味子 杵炒 各一兩 桂心 熟地黃 自製 人參 其

草 炒 各半兩 每服五錢 薑三片 水一碗 煎服 婦人

良方

定志丸 治心神虛怯 所患全前 或語言詭怪 喜咲

驚悸

人參 茯苓 各一兩 五錢 菖蒲 遠志 去心 各一兩 為

末 煉蜜丸 如梧子大 每服七八十九 滾湯下

薛氏醫案

養心湯 治心血虛 怔忡驚悸 不寧 或盜汗 無寐 發

熱煩躁

黃耆炙白茯苓茯神去木半夏麴當歸酒拌川芎
各半兩桂心栝子仁酸枣仁炒五味子杵炒人參
各三錢甘草炙四錢每服五錢薑三片枣二枚水
鍾半煎七分溫服 婦人良方

朱砂安神丸 治全前

方見十三卷怔忡驚悸

酸枣仁丸 治胆經實熱不得睡卧神思不安驚悸

怔忡

茯神去木酸枣仁炒遠志去心栝子仁炒防風各
一兩枳殼麩炒生地黃杵膏各半兩青竹茹二錢
五分煉蜜丸梧子大每服八十九滾湯下

勞瘵門

論婦人骨蒸各症皆屬勞瘵骨蒸者由積熱附於
骨而名也亦曰傳尸殭屍復連無辜其名不一皆
脾胃虧損所致症者注也自上注下與前人相似
故曰症其變有九十九種故曰各症其證大率使

人沉也默也寒熱盜汗夢與鬼交遺精唾血欬嗽
下利日漸羸瘦有一家互相傳染至絕戶滅門者
古傳天靈蓋等方未嘗見効獼肝丸犹有効崔氏
四花灸法蚤用多効但婦人纏足難以取穴恐不
准亦不錄

前證患之者其唇內必有白點爲虫蝕肺是以久
嗽者卽反視其唇若上唇有点虫蝕上部下唇有
点虫蝕下部

通治十一方

神仙取虫法 治一切勞瘵

青桑枝楊柰枝柰枝俱向東者每七莖葱白
七莖青蒿一握如無以子代用童便并半煎一升
入阿魏一錢再煎數沸入飛過朱砂末楨榔末真
安息香末各一錢真麝香末半錢調勻分二服五
更并天明各進一服下虫後以淡粥補之用藥調
理三五月再服以除病根此須先擇良日焚香禱
祝令病人面向福德方服之虫白者可治如虫黑
者不可治 婦人良方

河車丸 治一切勞瘵虛損骨蒸等疾

紫河車一具初生男胎者佳洗淨蒸爛白茯苓半
兩人參去蘆一兩乾山藥二兩為末麩糊和入河
車杵勻丸梧子大每服五七十九空心米飲下嗽
甚五味子湯下婦人良方

又方

獺肝一具陰乾杵末白湯調下一錢日三未愈再
作葛仙翁方

烏鷄煎丸 治婦人虛勞及百病赤白帶

人參去蘆三兩黃耆蜜炙六兩白茯苓三兩當歸
酒洗六兩生地黃熟地黃香附子製各四兩地骨
皮官桂各二兩用烏骨白鷄一隻男用雌女用雄
籠住將黃耆末和炒麩丸豆大喂鷄二七日勒死
去腸肚乾搗毛淨入前藥末于內密縫用酒醋各
二升煮一宿去骨焙枯研細用厚汁打糊丸如梧
子大每服五十九鹽湯下

鼈甲煎 專治婦人勞瘵欬嗽

雄鼈一枚重一斤杏仁去皮尖紫胡貝母去心知

母各四兩細剉好酒五升入鍋內將活鼈在中以
藥圍定上用板子石壓住令其吃酒藥次日用慢
火煮候酒盡爲度令患人將鼈吃盡將鼈甲用醋
煮黃入在前項諸藥內焙乾爲細末酒煮麩糊爲
丸如梧子大不拘時米飲下三十九

地仙散

治骨蒸肌熱一切勞熱煩燥能生津液

地骨皮二兩防風麥門冬去心各一兩甘草炙半
兩剉碎每服三錢薑三片水一鍾煎半鍾溫服

獺肝丸

治骨蒸勞熱或潮熱發熱體瘦煩疼不欲

飲食

獺肝一具鼈甲酥炙柴胡各一兩半硃砂另研
仁去皮尖麩炒黃升麻天灸蓋酥炙犀角螳梔子
仁炒地骨皮知母各一兩黃耆蜜炙甘草炙各五
錢爲末麝香一錢另研拌勻煉蜜丸桐子大每服
三十九丸空心溫水下婦人良方

補肺湯

治勞嗽五臟虧損晡熱發熱盜汗自汗唾

痰喘嗽

桑白皮炒熟地黃各一錢人參去蘆紫苑黃耆蜜

灸五味子炒各五分水二鍾煎八分入蜜少許食
後服 婦人良方

阿膠丸 治勞嗽吐血咯血發熱瞞熱口渴盜汗

阿膠炒生地黃卷栢山藥炒大薊根五味子杵炒
雞蘇各一兩栢子仁焙人參去蘆防風麥門冬去
心各半兩爲末煉蜜丸彈子大每服一九細嚼麥
門冬煎湯下 婦人良方

逍遙散 治血虛五心煩熱肢體疼痛頭重目昏心
松頰赤口燥咽乾發熱盜汗減食嗜卧月經不調寒

蒸如瘡肢體羸瘦漸成骨蒸

柴胡二錢白朮土炒白茯苓白芍藥酒拌曝乾當
歸酒洗并艸炙各一錢水二鍾煎一鍾溫服

桔梗飲子 治心氣不足倦怠喘嗽吐痰

桔梗炒甘草炒黃耆蜜炙人參麥門冬去心各一
錢青皮醋製三分水鍾半煎七分服 婦人良方

癥瘕門

論婦人癥瘕皆由飲食失節脾胃虧損邪正相搏

積于腹中牢固不動曰癥伏現無常曰瘕有七瘕
八瘕總之氣滯血凝所致

羅謙甫先生曰養正則邪自除必先調養使榮衛
充實若不消散方可攻下若除之不以漸則必有
顛覆之悔

通治 五方

大消石丸 治七瘕八瘕當用此藥去之不令人困

用消石三兩人參一兩甘草八錢為末醋一升砂

器中入大黃四兩煎膏和餘藥丸梧子大每服三

十九米飲下三日一服當下赤物 婦人良方

穿山甲煎 治癥痞痰血心腹作疼

穿山甲灰炒燥鼈甲醋炙赤芍藥大黃炒乾漆炒

烟盡桂心各一兩川芎芫花醋炒當歸尾各半兩

麝香一錢為末每服一錢酒調下 婦人良方

菝葜仁煎 治血瘕

蜜虫半兩炒黑大黃炒一兩為末菝葜仁去皮尖搗

如泥一兩以醇醋一鍾砂鍋內熬至三分下前藥

不住手攪煎至可丸下朴消一兩搗勻丸桐子大

不吃晚飯五更初温酒下五九日午下穢物如未
下再服仍以調氣血藥補之藥頗峻虛人宜酌服
婦人癥瘕結聚不散及寒疝遠臍疼痛月經淋閉

乾漆杵碎炒令烟盡牛膝去蘆酒浸一宿焙乾各
一兩為細末用生地黄汁一升入前末於砂器內
火熬候可丸也梧子大每旦空心服二十九温酒

或米飲下 拔萃方

婦人疝瘕小腹脹滿小水不利益男子謂之疝女人
謂之瘕

枳殼十五個炮山梔子炒山楂去子吳茱萸去梗
炒荔枝核炮寺分為末每用二錢長流水調下

繭唇門

論經云脾氣通於口又云脾之榮在唇蓋燥則乾
熱則裂風則瞶寒則揭若腫起白皮皴裂如蟹繭
名曰繭唇有腫起重出如繭者有本細末大如繭
如疔者或胎產崩漏失血或七情火動傷榮或厚
味積熱傷脾大要補腎水生脾血則燥潤而腫消

若遇用寒凉及成敗證

通治五方

清胃散 治唇繭因厚味積熱所傷牙齦疼痛

黃連酒炒錢半當歸酒洗生地黃牡丹皮各一錢

升麻二錢水二鍾煎一鍾服實熱便秘量加大黃

赤華散 治熱毒口瘡唇繭

黃柏炙蒲黃真青黛人中白煨等分爲末油調敷

之 本草綱目

涼膈散 治積熱煩渴面赤內熱口唇燥裂如繭

大黃朴硝甘草梔子炒黃芩酒炒薄荷各一錢連

翹二錢水二鍾煎一鍾溫服

四順清涼散 治臟腑實熱秘結不通口唇生瘡

當歸酒洗赤芍藥甘草大黃各一錢水一鍾煎半

鍾溫服

溫中丸 治口唇生瘡不喜飲冷飲食少思

人參甘草炙白朮土炒等分爲末薑汁糊丸桐子

大每服五十九白湯下

結核流注門

論婦人結核最多皆因鬱怒虧損肝脾或胎前產後失于調養或暴怒觸動胆火火氣鬱結堅硬成核如榛如豆或漸長如菟李有疼有不疼若在頸項久而不散多成瘰癧宜早治之人多忽畧致成瘰疾凡独形而单顆者爲結核連生者爲瘰癧詳見二十七卷瘰癧門

若結于項側耳之前後或胸脇腫疼或發寒熱屬胆經風熱宜用柴胡清肝散加鈞藤山梔若結于肉裏其色不變日晡發熱屬血虛肝火宜用加味逍遙散加龍胆草若結于肢節或累七連貫亦肝火血燥筋攣所致宜用柴芍參苓散加鈞藤佐以六味地黄丸若時發時消者氣滯而痰結也用歸脾六君子二湯並佐以海藻丸經云形傷則痛氣傷則腫不可輕用行氣破血之劑以復傷之婦人流注亦因憂思鬱怒勞役損傷所致或結塊或漫腫皆屬虛損濕痰滯血急用慈熨及益氣養榮湯

則未成者自消已成者自潰若漫腫微痛不作膿
及膿成不潰或潰而不斂皆宜大補氣血忌用寒
涼尅伐

①結核

海藻散堅丸 治結核癭瘤

海藻昆布各洗淨柴胡龍胆草酒拌炒焦各二兩
小麥四兩醋煮晒乾爲末煉蜜丸桐子大每服三
四十九臨臥白湯噙化嚥之尤妙

神効開結散 治全上

橘紅四兩沉香木香各三錢玳瑁四十九粒入砂
碓內以塩泥封固煨赤取出去火毒另研猪鬃肉
四十九枚生項間如東大豚猪者佳炙焦爲末每
服一錢臨臥酒調徐匕嚥下重者三五服輕者一
劑可愈切忌酸醎油膩滯氣之物須用除日淨室
修合

柴胡青肝散 治見論

柴胡山梔炒牡丹皮各一錢茯苓川芎芍藥當歸
牛蒡子炒各七分白朮炒甘草炙各五分水鍾半

煎七分温服

加味逍遙散 治見論

方見三十三卷調經門

柴芍參苓湯 治肝火血熱筋攣結核及遍身瘙癢

或起赤暈

白朮炒人參茯苓各一錢柴胡川芎山梔芍藥當

歸熟地黄各八分并艸炒五分水鍾半煎服 婦人

良方

六味地黄丸 治見論

方見三十三卷虛勞門

歸脾湯 治見論

方見三十三卷調經門

六君子湯 治見論

方見三十卷崩漏門

流注

益氣養榮湯 治怀抱鬱抑結核流注或四肢患腫

肉色不變日晡發熱或潰而不斂

人參茯苓貝母陳皮香附當歸酒拌川芎黃耆搗

水炒熟地黄芍藥炒各一錢甘艸炙桔梗炒各五分白木炒二錢水二鍾薑三片棗二枚煎服婦人良方

葱慰法 治虛怯人身生腫塊或疼或不疼或四肢筋牽骨疼及流注跌撲損傷腫疼神効

用葱頭細切杵爛炒熱敷患處冷即易之再熨其効如神婦人良方

木香餅 治氣滯結腫流注閃眇作痛

木香五錢生地黄一兩將木香爲末地黄杵膏和勻量患處大小作餅置干上以熱熨斗熨之腫疼即止

豆鼓餅 治流注腫硬不潰及潰而不斂一切頑瘡方見二十七卷療癰門

普門醫品卷之三十九終

普門醫品卷之四十

明諸城王化貞曾乾父原編

廣寧後學郎廷模貞若父重梓

男 文炯 姪 文燾 全較

初誕門

論小兒分娩之時口含血塊啼聲一出隨即嚥下
毒伏命門遇天行時氣久熱或飲食停滯或外感
風寒驚風發熱等因發為瘡疹須急于未啼時用
軟帛裹指空去其血用黃連硃蜜并草解之後雖

出痘亦輕矣

凡嬰兒初誕因難產或冒風寒而垂危者切不可
便斷臍帶急烘綿絮抱抱懷中急以胎衣置火中
煨燒更用大紙撚于臍帶上往來燎之使暖氣入
腹氣復自甦切勿洗浴恐腠理不密元氣發泄而
外邪乘之也

小兒洗浴不可先斷臍帶候洗了方斷不致水濕
傷臍可免臍風臍瘡等證仍用清油調髮灰敷臍
卽臍帶亦不可見水浴湯須溫暖得宜冷熱驚兒

